

Raporta
2010:3

*Duoji doaibmadoarjagiid
árvvoštallan
2005-2009*

Stig Karlstad (doaim.)
Ivar Lie

Namma: Duoji doaibmadoarjagiid árvvoštallan 2005-2009

Čállit: Stig Karlstad (doaim.) ja Ivar Lie

Norut Alta - Áltá
raporta: 2010:3

ISBN: 978-82-7571-192-0

Barggaheaddji: Sámediggi

Prošeavtta jodiheaddji: Stig Karlstad

Čoahkkáigeassu:

Dát rapportas árvvoštallat doaibmadoarjajaortnega mii duodjái lea ásahuvvon. Duodji lea earenoamáš sámi giehtadáida ja ealáhusvuohki mas lea guhkes árbevierru. Duoji dovdomearka lea ahte dat doaimmahuvvo smávva duddjonbirrasiin ja lea duojáris oasseaiggebargun. Sámediggi ja ealáhusorganisašuvnnat leat ásahan ealáhussiehtadusa man ulbmil lea ovdánahttít duoji ealáhussan, dan láhkái ahte nannet buvttadeami ja vuovdima ja dahkat duoji eanet gánnáhahttin. Oassin dán šiehtadusas ásahuvvui 2005:s doaibmadoarjajaortnet duojáriidda geain lea sámi čearddalaš duogáš, ja geain lea organiserejuvvon sierra ovttaolbmofitnodat ja geat vuvdet badjel 50.000 kr ovddas, earret lassiárvodivvaga.

Doaibmadoarjja galgá leat yeahkkin duojárii vai son birge go leat váilevaš vejolašvuodat oažžut olles dietnasa duodjedoaimmas. Árvvoštallanraporttas geahčat makkár ávki ortnegis lea leamaš, movt doaibmadoarjaga eavttut doibmet ortnega ulbmila ektui ja árvvoštallat maid áššemeannudeami

Fáddásánit: Doaibmadoarjja – Ealáhussiehtadus – Duodji - Sámediggi

Dáhton: Njukčamánnu 2010, divoduvvon maŋemus cuoŋománu 28. beaivvi 2010

Siidolohku: 50

Haddi: kr 100,-

Almmuheaddji: Norut Alta - Áltá as
Kunnskapsparken, Markedsgata 3
9510 ALTA

Fitnodatnummar 983 551 661 MVA

Telefondna: 78 45 71 00

Telefákxa: 78 45 71 01

E-poasta: post@finnmark.norut.no
www.finnmark.norut.no

Deaddilan: Norut Alta – Áltá as

Ovdasátni

Dán raporttas árvvoštallat duoji doaibmadoarjjaortnega. Duodji lea earenoamáš sámi giehtabargu ja ealáhusvuohki mas lea guhkes árbevierru. Duddjoma earenoamášvuohta lea ahte dat doaimmahuvvo smávva duddjonbirrasiin ja lea dávjá duojáris oasseáiggebargun. Sámediggi ja ealáhusorganisašuvnnat leat ásahan ealáhussiehtadusa man ulbmil lea ovdánahttit duoji ealáhussan, dan láhkái ahte nannet buvttadeami ja vuovdima ja dahkat duoji eanet gánnáhahttin. Oassin dán šiehtadusas ásahuvvui 2005:s doaibmadoarjjaortnet duojáriidda geain lea sámi čerdii gullevaš duogáš, ja geain lea organiserejuvvon sierra eaŋkilolbmofitnodat ja geat vuvdet badjel 50.000 kr ovddas, earret lassiárvodivvaga.

Doaibmadoarjja galgá leat veahkkin nannet duojára dienasvuodu vai son birge go leat váilevaš vejolašvuodat oažžut olles dietnasa duodjedoaimmas. Árvvoštallamis geahčat makkár ávki ortnegis lea leamaš, movt doaibmadoarjaga eavttut doibmet ortnega ulbmila ektui ja árvvoštallat maid ášsemeannudeami. Geahčat maid muhtun beliid das movt persuvdnadieduid (duodjeregistara) meannudit dihtorsystemas.

Raportta barggaheaddji lea Sámediggi. Oktavuodaolbmot Sámedikkis leaba leamaš Jørn Gunnar Olsen ja John Osvald Grønmo.

Seniordutki Stig Karlstad lea bargin prošeaktaraporttain ovttas dutkiin Ivar Lie. Lie lea leamaš veahkkin čohkhet datadieduid 2.kapihttalii ja son lea maid heivehan tabeallaid mat das leat. Stig Karlstad lea bargin rapporttain ja dasa lassin lea son leamaš prošešavtta jođiheaddji. Bargu lea čađahuvvон sullii viđa vahkkobarggu ekonomalaš rámma siskkobealde, dasa lassin boahtá lassiárvodivat ja eará golut. Norut – Áltá hálida giitit barggaheaddji ja informánttaid geaid leat jearahallan ja geat earaládjje leat leamaš veahkkin dieđuid čohkkemis.

Áltá, 30.3.2010, divodan manjemus 28.4.2010

Sveinung Eikeland

Háld. dir. Norut Alta – Áltá

Stig Karlstad

Prošeaktajodjihedaddji/seniordutki

Sisdoallu

Ovdasátni	1
Tabeallat	5
Govvosat	5
Čoahkkáigeassu	6
1 Duoji doaibmadoarjjaortnegiid ja árvoštallanfáttaid birra	7
1.1 Oanehačcat duoji doaibmadoarjjaortnega birra.....	7
1.2 Analysafáttát ja datavuodđu	9
2 Doaibmadoarjagat, duodjeealáhus, beaktilit buvttadeapmi, duojáriid lohku, gánnáhahttin ja fitnodatovddideapmi	10
2.1 Áššečuolmmat, analysalahkonaddan ja datavuodđu	10
2.2 Ohccit geat leat dohkkehuvvon lahttun ”duodjeregistarri” – namalassii sii geat devdet eavttuid.....	11
2.3 Ohcamušat oažžut duodjedoarjagiid	12
2.4 Ekonomalaš válđologut.....	14
2.4.1 Iežas dujiid vuovdin – ovddideapmi ja movt juohkása sohkabeali ja geografija ektui	14
2.4.2 Doaibmaboádus ja bálkádienas (ja veaháš duodjelanjaid ja vuovdinkanálaid birra).....	15
2.5 Doaibmadoarjagiid meannudeami boađus – ovdáneapmi ja movt juolluduvvon summa juohkása sohkabeali ja geografija ektui.....	17
2.6 Oktiičohkkejeaddji árvvoštallamat.....	20
3 Doaibmadoarjagiid eavttuid árvvoštallan	23
3.1 Áššečuolmmat, eavttut maid vuodđul beassá duodjeregistarri ja doaibmadoarjagat duodjefitnodagaide	23
3.2 Čearddalaš sápmelaš dahje sámi gullevašvuohtha - áittan vai vejolašvuohtan váikkuhangaskaomiid geavaheapmái?	24
3.2.1 Sámedikki jienastuslogu gáibádusat – ráddjenhástalusat	24
3.2.2 Sámi duodje- ja kulturmáhtu viidáseappot fievrredeapmi – lea go sierralohpi áitta vai vejolašvuohtha	25
3.2.3 Oasálastiid árvvoštallan ja loahppajurdagat	26
3.3 Makkár fitnodatorganiseren gáibiduvvo – ovtaolbmofitnodat dahje eará.....	27
3.3.1 Fitnodatorganiserenvuogit ja doaibmadoarjjaortnet.....	27
3.3.2 Oasálastiid oainnut ja loahppáárvvoštallamat	28
3.3.3 Loahppajurdagat.....	31
3.4 Iežsráhkaduvvon dujiid -giehtabarggu dahje ”made in Hong Kong” dujiid vuovdima dokumenteren	32
3.4.1 Rehketoallogeatnegasvuodđat, -bargodábit ja bearráigeahčanvejolašvuodđat	32
3.4.2 Árvvoštallamat ja loahppajurdagat.....	33
4 Áššemeannudeami, áššejođu ja duodjeregistara árvvoštallan.....	35
4.1 Áššemeannudeami ja áššejođu árvvoštallan – guovtgeoasát ohcanproseasssa	35

4.2	Duodjeregistarii dohkkeheapmi ja eavttut maid vuođul dasa beassá	36
4.3	Doaibmadoarjjaohcamušaid meannudeapmi.....	37
4.4	Áššemeannudeami, raportačállimiid jna.čoahkkáigeassu ja loahppaárvoštallamat.....	38
4.4.1	Ollislaš govva.....	38
4.4.2	Árvvoštallamiid loahpalaš oktiigeassin.....	38
4.4.3	Doarjjavuostáiváldiid váilevaš ekonomalaš reportasáddemats, evttohus movt sáhtášii dieđuidčohkkema earaládje čađahit	40
4.5	Duodjeregisttar – vuogas hálldašeapmi mii guoská gáibádusaide movt galgá persuvdna -ja fitnodatdieđuid giedahallat.....	41
4.5.1	Lágat ja láhkaásahusat mat gusket Duodjeregistarii – hearkkes persuvdnadieđut, konsešuvdnageatnegasvuhta ja diekkárat.....	41
4.5.2	Dieđuidvurkkodan sihkarvuhta, teknihkalaš heiveheamit ja resursaid geavaheapmi duojáriid persuvdnadiehtoregistarii (duodjeregistarii) ja eará ealáhusdoaimmaide	44
4.5.3	Eará áššáibođa – duojárat leat ealáhusbargit geat jođihit smávva fitnodagaid	50
4.5.4	Vejolašvuhta beassat oaidnit dieđuid Sámedikki eará ealáhusdoarjagiid birra – láhkavuođđu ja movt lávejit bargat.....	51
4.5.5	Čoahkkáigeassu ja loahppajurdagat	52
	Girjjálašvuhta.....	54

Tabeallat

Tabealla 2.1 <i>Movt duojáriid lohku Duodjeregistarvis juohkása sohkabeali ektui</i>	12
Tabealla 2.2 <i>Movt duojáriid lohku Duodjeregistarvis juohkása regiovnnaid ektui</i>	12
Tabealla 2.3 <i>Gallis leat ohcan doaibmadoarjaga duodjái ja movt logut juohkásit sohkabeali ektui.....</i>	12
Tabealla 2.4 <i>Gallis leat ohcan doaibmadoarjaga duodjái ja movt logut juohkásit regiovnnaid ektui.....</i>	13
Tabealla 2.5 <i>Duojáriid lohku geat leat Duodjeregistarvis geat eai ohcan doaibmadoarjaga, movt juohkásit sohkabeali ektui.....</i>	13
Tabealla 2.6 <i>Duojáriid lohku geat leat Duodjeregistarvis geat eai ohcan doaibmadoarjaga, movt juohkásit regiovnnaid ektui.....</i>	13
Tabealla 2.7 <i>Iežasráhkaduvvon dujiid vuovdin duojáriid gaskkas geat leat ohcan doaibmadoarjaga</i>	14
Tabealla 2.8 <i>Iežasráhkaduvvon dujiid vuovdin duojáriid gaskkas geat leat ohcan doaibmadoarjaga; nissonolbmot ja dievdoolbmot</i>	14
Tabell 2.9 ... <i>Iežasráhkaduvvon dujiid vuovdin duojáriid gaskkas geat leat ohcan doaibmadoarjaga;guðege suohkanis</i>	15
Tabealla 2.10 <i>Duojáriid gaskamearálaš válđologut rehketdoallojagis 2007</i>	16
Tabealla 2.11 <i>Duojáriid válđologut 2005-2007</i>	16
Tabealla 2.12 <i>Ohcciid gaskamearálaš válđologut geain lea bálkádienas lassin duddjomii</i>	17
Tabealla 2.13 <i>Doaibmadoarjagiid meannudeami bohtosat</i>	18
Tabealla 2.14 <i>Doaibmadoarjagiid juohkin duojáriidda geat leat ohcan doaibmadoarjaga</i>	18
Tabealla 2.15 <i>Doaibmadoarjagiid juohkin duojáriidda geat leat ohcan doaibmadoarjaga;</i>	19
Tabealla 2.16 <i>Doaibmadoarjagiid juohkin duojáriidda geat leat ohcan doaibmadoarjaga;</i>	19
Tabealla 2.17 <i>Čoahkkáigeassu Doaibmadoarjja – bušeahhta, juolluduvvon doarjagat,duojáriid lohku geat leat Duodjeregistarvis, doarjagiid lohku, gaskamearálaš doarjja guðege duojárii.</i>	21

Govvosat

Govus 4.1 .. <i>Sihkarvuodaarkitektuvra – sonaide juohkin</i>	47
---	----

Čoahkkáigeassu

Stig Karlstad (prošeaktajodiheaddji/doaim.) ja Ivar Lie
Duoji doaibmadoarjjaortnega árvvoštallan 2005 – 2009
Norut Alta – Áltá Raporta 2010:3

Dán raporttas árvvoštallat duoji doaibmadoarjjaortnega. Duodji lea earenoamáš sámi giehtabargu ja ealáhusvuohki mas lea guhkes árbevierru. Duddjoma earenoamášvuohta lea ahte dat doaimmahuvvo smávva duddjonbirrasiin ja lea dávjá duojáris oasseáiggebargun. Sámediggi ja ealáhusorganisašuvnnat leat ásahan ealáhussiehtadusa man ulbmil lea ovdánahttit duoji ealáhussan, dan láhkái ahte nannet buvttadeami ja vuovdima ja dahkat duoji eanet gánnáhahttín. Oassin dán siehtadusas ásahuvvui 2005:s doaibmadoarjjaortnet duojáriida geain lea sámi čearddalaš duogáš, ja geain lea organiserejuvvon sierra eaŋkilolbmofitnodat ja geat vuvdet badjel 50.000 kr ovddas, earret lassiárvodivvaga.

Doaibmadoarjja galgá leat yeahkkin nannet duojára dienasvuodu vai son birge go leat váilevaš vejolašvuodat oažžut olles dietnasa duodjedoaimmas..

Árvvoštallamis čalmmustahttet golbma beali mat gusket doaibmadoarjjaortnegii:

1. Árvvoštallat doaibmadoarjjaortnega ávkki – das geahčat daid duojáriid ovdáneami ja ekonomija geaidda dát doarjjaortnet guoská
2. Árvvoštallat eavttuid mat doaibmadoarjagii leat biddjojuvvon
3. Árvvoštallat áššemeannudeami, áššejodú ja movt duodjeregisttar lea ráhkaduvvon - dás geahčat maid livčii go vejolaš ásahit dakkár duodjeregistara maid Databearráigeahču sahtási dohkkehít.

Váttisvuodat mat ovdanbohtet juohke áidna fáttás maid analyseret, giedhallojuvvoyit dain kapihtaliin rapportas gos guhtege analysafáttá guorhallojuvvvo ja digaštallojuvvvo.

1.kapihtalis mualit doaibmadoarjjaortnega birra ja makkár fáttát galget árvvoštallojuvvot. 2. kapihtal mualita doaibmadoarjagiid viiodaga ja juohkima, ja das analyseret duodjeealáhusa ovdáneami ja makkár vejolaš ávki váikkuhangaskaomiin lea go geahčá earet eará buvttadeapmái, duojáriid lohkui, man gánnáhahti duddjon lea ja movt fitnodagat ovdánit. 3.kapihtalis árvvoštallat movt doaibmadoarjjaortnega eavttut doibmet doaibmadoarjagiid ulbmila ektui. Das árvvoštallat gáibádusaid mat gusket čearddalašvuhtii, movt fitnodat galgá organiserejuvvot ja man ollu galgá ies duddjot ovdal lea vuodđu oažžut doaibmadoarjaga. 4.kapihtalis geahčadit ohcanáššejodú, áššemeannudeami ja man vuogas lea doalahit elektruvnnalaš duodjeregistara go atná muittus daid gáibádusaid mat leat sistemaide ja bargodábiide go galgá giedahallat hearkkes dieđuid.

Eanas kapihtaliid/kapihtaloasiid loahpas leat loahpalaš árvvoštallamat dahje loahppajurdagat.

1 Duoji doaibmadoarjjaortnegiid ja árvvoštallanfáttáid birra

”Duodji”¹ lea earenoamáš sámi giehtabargu ja ealáhusvuohki mas lea guhkes árbevierru, ja seammás dat maid gaskkusta dehálaš oasi sámi giehtaduodjeárbevierus. Gávdnojit maid ollu iešguđetlágán duddjonmállet, mat leat čadnon juogo boazodoallobirrasii, mearrasámi ealáhusárbediedüide ja maiddái iešguđet sámi guovlluide².

Okta earenoamášvuohta lea ahte duddjonbirrasat leat *smávvat ja duodji lea eanas oasseáiggebargu*. Dušše hui moaddásis lea duodji váldoealáhussan. Dát mearkkaša ahte *eanetlogus* lea ráđji man ollu sáhttet duddjot danin go sis lea eará bargu, ja ahte jus galggaše eanet duddjot, de dat gáibida odđa investeremiid. Duddjon gáibida maid *olu áiggi*. Sihke dál ja ovdal lea leamaš nu ahte duddjon lea lassidienas maid duojárat barget lagi áiggiid mielde ja dalle go heive eará bargguid ektui, earet eará boazodoalus, mearrasámi lotnolasealáhusain jna.

Vaikko vel leat ge diekkár variašuvnnat, de leat ollu eaŋkilduojárat mat duddjojit dujiid main lea hui alla kvalitehta, ja lea hui stuora vejolašvuohta lasihit vuovdima. Ja dál leat ge maid ollu duojárat geaidda duodji addá lassidietnasa, ja ollugat hálidivčče viiddidit doaimma. Vaikko dás galgá ge leat sáhka duoji birra nugó sierra ealáhus, de lea dehálaš deattuhit ahte stuora oassi árbevirolaš duddjomis ii doaimmahuvvo vuovdima várás, dat gullá olbmuid eallinvuohkái. Diekkár oktavuodain adnojit duojít atnudávvirin ja čikjan lagamus bearrašii dahje skeaŋkan.

1.1 Oanehaččat duoji doaibmadoarjjaortnega birra

Duodjái ásahuvvui doaibmadoarjjaortnet 2005:s. Dat lea oassi Sámedikki ja dan guovtti duodjesearvi; Duojáriid ealáhussearvi ja Riikkaorganisašuvdna Sámiid Duodji *Ealáhusšiehtadusas*. Sii šiehtadallet ja vuolláičállet juohke čavčča soahpamuša mas lea manit bušeahttajagi ekonomalaš rámma. Ealáhusšiehtadusa *ulbmil* ”lea ovddidit duoji ealáhussan nu ahte dat šaddá eanet gánnáhahttin ja buoridit iežasráhkaduvvon dujiid vuovdima”. Šiehtadusa bušeahdas lei 2009:s 9,21 mill. kr. ollislaš rámma. Juolludeamit biddjojuvvojít Sámedikki bušehttii dábálaš lági mielde.

Duoji ealáhusšiehtadussii gullet čuovvovaš doarjjaortnegat:

¹ Sámi giehtabargu gohčoduvvo sámegillii duodjin. Duodjin gohčoduvvojít giedain ráhkaduvvon sámi atnudinggat nugó biktasat, ávdnasat, viessodávvirat, bivdobiergasat ja čiŋat (čiŋahandávvirat) Sámi duojis lea guhkes árbevierru. Maiddái dán áigge vižzet duodjeávdnsaaid meahcis. Sámi duodji duddjojuvvo boares árbevirolaš málliid mielde, muhto dat heivehuvvo odđa bargoteknihkaide ja bargosurggiide. (Gálđo:Sámeráddi)

² Raporta ”Merkevareutvikling for duodjiprodusenter”, 9.6.2009.

- Doaibmadoarjja duojáriidda (2009 bušeahutta lei 3,3 mill. kr)
 - dárkileappot juohkineavttuid birra, geahča vuolábealde ja maŋnelis kapihtalis
- Ovddidan – ja inversterendoarjja³ (2009 bušeahutta lei 3,4 mill. kr)
 - gealboháhkandoaimmat/oahpaheapmi ja kursset
 - investeremati
 - fitnodaga ovddidandoaimmat
 - ovddidanprošeavttat ja konsuleantaveahkki
 - vuovdin- ja márkanastindoaimmat
 - duodjestipeanda ohppiide geat váldet joatkaoahphusa
- Buresbirgejeaddjiortnegat duojáriidda (2009 bušeahutta lei 0,2 mill. kr)
- Organisašuvdnadoarjja duodjeservviide (2009 bušeahutta lei 1,56 mill. kr)
 - Riikkasearvi Sámiid Duodji (1,1 mill. kr) ja Duojáriid ealáhussearvi (0,5 mill. kr)
- Duodjegávppit (2009 sirrejuvvon rámma lei 0,55 mill. kr)
 - dasa gullet bissovaš vuovdinbáikkit mat vuvdet sámi duoji birra jagi ja main leat fásta rahpanáiggit vihta beaivvi vahkus.
- Hálldašangolut fágalaš ja ekonomalaš lávdegottiide (2009 sirrejuvvon rámma lei 0,2 mill. kr)

Doaibmadoarjjaortnet, mii lea váldoášsin dán čielggadeamis, galgá leat veahkkin duojárii geas leat váilevaš vejolašvuodat oažžut olles dietnasa duddjondoaimmas.

Duojárat geat galget sáhttít ohcat doaibmadoarjaga dán ortnegis, galget leat registrerejuvvon duodjeregistarii, maŋnelis čilgejuvvo makkár eavttuid galgá deavdit ovdal go beassá dien registarii. Dat mielddisbuktá earet eará ahte sis ferte leat ásahuvvon ovtaolbmofitnodat ja sii galget sáhttít duoðaštít ahte leat iežaseträhkaduvvon dujiid vuovdán badjel 50.000 kr ovddas earret momssa. Doarjaga sturrodaga rehkenastinvuodđu lea, jus sii leat ovdalis namuhuvvon gáibádusaid deavdán:

- Sáhttá oažžut gitta 40 % rádjái doarjaga iežasduddjojuvvon dujiid vuovdinsummas, bajemus rádji lea 150.000 kr.

Oktiibuot 72 duojára ledje 2009 čállojuvvon duodjeregistarii ja nu ledje ge dohkkehuvvon vejolaš doaibmadoarjja vuostáiváldin. Duojárat galget jahkásacčat sáddet sierra rapportaskovi Sámediggái, mas earet eará čilgejít duodjedoaimma ekonomija ja iežaset gelbbolašvuoda⁴. Lea ásahuvvon sierra ealáhusskovvi duojáriidda mii galgá dán ulbmilii adnot. Diekkár jahkásash rapporttaid vuodul sáhttá Sámediggi čuovvut ollašuhttet go doaibmadoarjagiid vuostáiváldit gáibádusaid maid vuodul sáhttet oddasis oažžut doaibmadoarjaga. Lea ráhkaduvvon šiehtadus konsuleantafitnodagain⁵ ahte ráhkadir ekonomalaš rapportta duoji ovdáneami birra, man vuodđun leat namuhuvvon jahkásash rapportat duojáriin, jagiide 2007, 2008 ja 2009.

Duojáriin galgá leat juogo formálalaš dahje reála gelbbolašvuhta duojis. Formálaš

³ Investeremiid oktavuođas sáhttá juolluduvvot gitta 50 % doarjja dohkkehuvvon goluide ohcciide geain lea ovtaolbmofitnodat.

⁴ Finnut Consult AS lea Sámedikki ovddas ráhkadan čielggadeami mas leat geahčan duoji gelbbolašvuodaháhkan hástalusaid, oahpaheami ja ovdáneami. Čielggadeapmi lea earenoamážit čalmmustahattán dan movt ovddidanbarggut sáhttet lasihit bargguid ja nu maiddái dietnasa duodjedoaimmain.

⁵ Asplan Viak AS, Kárášjohka

oahpu sii ožzot go čadahit joatkkakursse1 design ja giehtaduojis ja joatkkakursse 2 design ja duojis joatkkaskuvllas ja barget guokte lagi oahppin muhtun fitnodagas. Oslo allaskuvla fállá masterdási oahpu duojis, mii čadahuvvo Sámi allaskuvllas Guovdageainnus. Duodjemáhttu ii fievredduvvo ge šat viidáseappot árbemáhttun dušše dálá duojáriid ja sin lagamuččaid gaskkas, dál lea eatnasiin geain lea beroštupmi duodjái, vejolaš dan oahppat.

1.2 Analysafáttát ja datavuodđu

Dán árvvoštallamis galgat geahčcat doaibmadoarjaortnega ja čalmmustahttit golbma suorggi

1. Árvvoštallat doaibmadoarjaortnega ávkki – das geahčcat daid duojáriid ovdáneami ja ekonomija geaidda dát doarjaortnet guoská
2. Árvvoštallat eavttuid mat doaibmadoarjagii leat biddjojuvvon.
3. Árvvoštallat áššemeannudeami, áššejođu ja duodjeregistara hábmema
- dás geahčcat maid livčii go vejolaš ásahit dakkár duodjeregistara maid
Databearráigeahčcu sahtášii dohkkehít.

Váttisvuodđat mat ovdanbohtet juohke áidna fáttás maid analyseret, giedžahallojuvvoyit dain kapihtaliin raporttas gos guhtegi analysafáddá guorahallojuvvvo ja digaštallojuvvvo.

Datavuodđu rievddada sihke juohke golmma fáttá siskkobéalde ja maiddái daid gaskkas. Mii áigut geavahit dokumentašvnnaid mat leat gávdnamis ja viežzat dieđuid almmolaš registariiin gos lea vejolaš dieđuid oažüt daid bargorámmaid siskkobéalde mat mis leat. Mii áigut atnit veahkkin earet eará daid giedžahallojuvvon dieđuid mat Sámedikkis leat, mat leat dain vásedin rapportain maid juohke duojár gii oažžu doaibmadoarjaga galgá deavdit ja sáddet jahkásáčcat. Mii leat maid válljen muhtun giedžahallojuvvon ohcamušaid maid leat geahčan, ja leat válljen muhtumiid jearahallat geaidda dát ášši guoská ja geain lea iešguđetlágán duogás – sis searvvis leat muhtumat geat leat ohcan doarjaga, olbmot geat ovddastit berošteaddjiservviid ja áššemeannudandásis sin geat meannudit doarjaoħcanohcamusaid ja diekkáriid. Stuora oasi dieđuin maid ala hukset leat viežžan Sámedikkis. Dasa lassin leat geahčadan čielggademiid ja eará girjálašdieđuid mat gusket dán árvvoštallamii.

Duodjeregistara árvvoštallan mii guoská hearkkes dieđuid vurkkodeapmái jna. lea huksejuvvon earet eará Databearráigeahču oaiviidda ja dieđuide. Dan vuodđul leat maid huksen árvvoštallama mii guoská dasa makkár vejolaš eará čovdosiid sahtášii gávdnat, vásáhusat Boazodoalloháldahusa boazodoallo databasán ja sullasaččain. Daid vuodđul sahtášii árvvoštallat maid diekkár vejolaš čovdosat márssáše ja makkár olmmošlaš návcçaid dat gáibidivčče.

2 Doaibmadoarjagat, duodjeealáhus ja beaktilit buvttadeapmi, duojáriid lohku, gánnáhahttin ja fitnodatovddideapmi

2.1 Áššečuolmmat, analysalahkoneapmi ja datavuođđu

Duojáriid doaibmadoarjjaortnet lea leamaš 2005 rájes. Geassemánu rádjái 2009 ledje 72 duojára geat devde eavttuid maid vuođul leat beassan duodjeregistarii lahttun ja geat dasto sáhtte ohcat doaibmadoarjaga.

Guovddáš áššečuolmmat mat gusket dasa makkár ”ávki” ortnegis lea, maid mii das čuvget, leat:

- Movt doarjja lea váikkuhan duojáriid lohkui (ovttaolbmofitnodaide) ja dan duoji vuovdimii maid duojárat ieža duddjojit (vrd. ulbmila/ulbmileavttuid Sámedikki 2009 bušeahdas mii guoská duoji doaibmadoarjagi).
- Dasa lassin áigut geahčat man gánnáhahti duddjon lea duojáridda (gánnáhahttin ja iežasráhkaduvvon dujiid vuovdin lea ulbmil duoji ollilaš ealáhusšiehtadusas).
- Dađi mielde makkár vejolašvuodđaid data vuođđu addá, áigut maid guoskkahallat eará fitnodatovddidemiid⁶ mat leat vejolačat daid duodjefitnodaide mat gullet doaibmadoarjjaortnegii.

Lea álo váttis čilget manne váikkuhusat leat dakkárat go leat, duše ovta váikkuhangaskaoami vuođul – mii dás lea doaibmadoarjja. Márkandilálašvuodđat rivdet áiggi mielde, duojáriid lohku, ávnnasdilálašvuhta jna. leat eará bealit duddjomis mat sáhttet vaikkuhit ovdalis namuhuvvn dilálašvuodaide. Dasa lassin lea duojára ekonomalaš dilli maid váikkuheaddji. Nugo oaidná Norut/NIBR (2001) rapportas, de ledje áibbas moattes geat diedihedje ahte sis leamaš dienas badjel 120.000 kr. Lei jáhkemis ahte sivvan dasa lei ekonomalaš bealli, dat ahte ii oaččo doarjaga jus čállá rapportii ahte lea dinen eanet go dien. Danin sáhtta leat váttis geavahit ekonomiija buorráneami mihttun.

Dieđut maid ala hukset leat rapportat maid duojárat galget sáddet go ohcet beassat mielde duodjeregistarii, doaibmadoarjjaohcamušat ja dieđut mat bohtet ášsemeannudemiin – nugo čoahkkingirjjit ja dieđut mat čájehit giedahallama bohtosa juohke ášsis. Dasa gullet

⁶ Dat mearkkaša ođđa buktagiid ráhkadeapmi, gealbolokten, viidát márkan ja ođđa investeremat.

Norut Alta-Áltá rapport 2010:3

ohcansumma sturrodat, doarjja, vuovdin, sohkabealli, suohkanii gullevašvuhta ja diekkár sullasaš dieđut. Mii leat maid lassin dasa geavahan čielggademiid mat ovdal leat čállojuvvon duodjeealáhusa birra, earet eará čielggademiid mat leat huksejuvvon raporttaide maid juohke duojáris gii oažju doaibmadoarjaga lea geatnegasvuhta sáddet Sámediggái juohke lagi, dain oaidná earet eará góannáhahttima ja duojáriid agi. Loahpas namuhit vel dieđuid maid leat ožzon muhtumiin geaid leat válljen jearahallat. Dat leat olbmot geat ovddastit ealáhusa/berošteaddjisearvvi ja hálldahusa. Ulbmil dainna lea oažžut ovdan movt oassálastit ieža árvvoštallet doaibmadoarjaga ávkki ovdalis namuhuvvon faktoriid ektui duodjeealáhusa.

2.2 Ohccit geat leat dohkkehuvvon lahttun ”duodjeregistarii” – namalassii sii geat devdet eavttuid

Dalle 2005:s go vuosttaš geardde almmuhedje ahte sahttá ohcat beassat duodjeregistarii, bohte oktiibuot 164 ohcci. Dain biehtteluvvo 130 ohcamuša ja 34 miedihuuvvo⁷. Jagiin 2007-2009 meannuduvvojedje jahkásacčat Sámedikki datadieđuid vuodul 8-14 ohcamuša beassat dohkkehuvvot duodjeregistarii. Earret njeallje ohcamuša 2007:s, golbma 2008:s ja okta 2009:s de dohkkehuvvo buot ohcamušat dieid jagiid⁸. Sivvan dasa ahte leat nu unnán ođđa ohccit lea ahte ii dárbbas oddasis ohcat jus juo ovdal lea dohkkehuvvon. Galgá gal dieđihit jus dieđut mat registarileat, leat rievdan dan láhkái ahte ii šat deavdde eavttuid maid vuodul lea duodjeregistarileat. Eanas ohcamušat mat leat biehttaluvvon olles dán áigodagas go duodjeregisttar lea leamaš doaimmas, leat biehttaluvvon danin go ohccit eai leat olahan góibádusa ahte galget iežaset duddjojuvvon dujiid vuovdán unnimusat 50.000 kr ovddas, dahje ahte sis váilot doarvái duođašusat dasa. Dušše áibbas moaddássii lea ohcamuš biehttaluvvon dan sivas ahte sii eai leat čearddalaš sápmelaččat, dahje eai deavdde góibádusaid mat leat buktagii dahje fitnodatvuohkái.

2009:s ledje 72 duojára duodjeregistarileat. Dat mearkkaša 47 % lassáneami 2006 rájes. Nissonolbmot leat čádat leamaš stuora eanetlogus, sullii 65 % duojáriin leat nissonolbmot ja sin lohku lea lassánan eanet go dievdoolbmuid lohku.

Leat ollu eambbo duojárat go sii geat leat Sámedikki duodjeregistarileat. Dan oaidná maid das go Riikkasearvvi Sámiid Duojs ledje 2009:s birrasii 220 dábálaš miellahtu ja vel badjelaš 100 miellahtu geat gullet organisašuvdnii báikkálaš servviid bokte. Eanas oassi sis vuvdet iežaset dujiid badjel 50.000 kr ovddas jahkásacčat⁹.

Dieđuid vuodul mat mis leat go leat geahčan 50-60 % duojáriid dieđuid geat leat duodjeregistarileat guđege lagi, lea ahte duojáriid gaskamearálaš ahki¹⁰ áigodagas 2006-2008 lei 46, 49 ja 51 lagi. Oaidná ahte ahki lea jagiid mielde loktanen. 2008:s lei nissonolbmuid gaskamearálaš ahki 52 lagi ja dievdoolbmuid gaskamearálaš ahki lei 48.

⁷ SEG-raporta geassemánus 2007: Duodjeealáhusa ekonomalaš dilli

⁸ Buot biehttaluvvon ohcamušat maid meannudedje jagiin 2007-2009 biehttaluvvo danin go ledje beare unnán vuovdán.

⁹ ”Merkevareutvikling for duodjiprodusenter”, Noodt & Reiding 9.6.2009.

¹⁰ ”Duoji ekonomalaš raporta”, Asplan Viak 20.8.2008.

Tabaella 2.1 *Movt duojáriid lohku Duodjeregistararis juohkása sohkabeali ektui*

	2006	2007	2008	2009	Rievdan
Registrerejuvvon duojárat	49	59	63	72	+47 %
Nissonolbmot	31	37	39	47	+52 %
Dievdoolbmot	18	22	24	25	+39 %
Nissonolbmuid lohku	63 %	63 %	62 %	65 %	

Olles 60 % duojáriin geain lea fitnodat duodjeregistararis leat eret Guovdageainnus, dan majis čuovvu Kárášjohka; 21 % ja Deatnu/Unjárga 8 %. Muđui riikkas leat dušše 10 % duojáriin mielde registararis, muhto dat lohku lea veaháš lassánan.

Tabealla 2.2 *Movt duojáriid lohku Duodjeregistararis juohkása regiovnnaid ektui*

Registrerejuvvon duojárat	2006	2007	2008	2009	Rievdan
Guovdageaidnu	30	36	38	43	+43 %
Kárášjohka	14	14	15	15	+7 %
Deatnu/Unjárga	4	4	4	6	
Muđui earát	1	5	6	8	
Oktiibuot	49	59	63	72	+47 %
Guovdageainnu oassi	61 %	61 %	60 %	60 %	
Guovdageainnu ja Kárášjoga oassi	90 %	85 %	84 %	81 %	

2.3 Doaibmadoarjjaohcamušat

Nissonolbmuid lohku geat leat ohcan doaibmadoarjaga lea lassánan majemus jagiid. Dat lei 63 % jagis 2006 ja lea lassánan 71 % rádjái 2009:s.

Tabealla 2.3 *Gallis leat ohcan doaibmadoarjaga duodjái ja movt logut juohkásit sohkabeali ektui*

	2006	2007	2008	2009	Rievdan
Doaibmadoarjaga ohccit	51	53	54	58	+14 %
Nissonolbmot	32	34	35	41	+28 %
Dievdoolbmot	19	19	19	17	-11 %
Nissonolbmuid oassi	63 %	64 %	65 %	71 %	

Ohcciid lohku geat leat ohcan doaibmadoarjaga lea lassánan sullii 50 % rájes lagabui 60 % rádjái dahje 14 %. Eanemus ohcamušat bohtet čielgasit Guovdageainnus, namalassii 59 %, ja dasto Kárášjogas, 24 % ja eará regiovnnain 17 %.

Tabealla 2.4 *Gallis leat ohcan doaibmadoarjaga duodjái ja movt logut juohkásit regiovnnaid ektui*

Doaibmadoarjaga ohccit	2006	2007	2008	2009	Rievdan
Guovdageaidnu	32	31	31	34	+6 %
Kárášjohka	14	13	14	14	0 %
Deatnu/Unjárge	4	4	4	6	
Muđui earát	1	5	5	4	
Oktiibuot	51	53	54	58	+14 %
Guovdageainnu oassi	63 %	58 %	57 %	59 %	
Guovdageainnu ja Kárášjoga oassi	90 %	83 %	83 %	83 %	

Leat eanet dievdoobmot go nissonolbmot geat eai ohcan doaibmadoarjaga, vaikko leat ge arvat eanet nissonolbmot duodjeregistarais.

Tabealla 2.5 *Duojáriid lohku geat leat Duodjeregistarais geat eai ohcan doaibmadoarjaga, movt logut juohkásit sohkabeali ektui*

	2007	2008	2009
Duojárat geat eai ohcan	6	9	14
Nissonolbmot	3	4	6
Dievdoobmot	3	5	8
Nissonolbmuid oassi	50 %	44 %	43 %

Dat 20 % dahje 14 duojára duodjeregistarais geat eai ohcan doaibmadoarjaga 2009:s, leat eatnasat eret Guovdageainnus. Lea lunddolaš ahte leat dien meare oallugat, danin go dan guovllus leat eanemus olbmot duodjeregistarais. Dás oaidná erohusa olggobeale Finnmárkku duojáriin, go vuollel bealli sis geat leat duodjeregistarais eai leat ohcan doaibmadoarjaga

Tabealla 2.6 *Duojáriid lohku geat leat Duodjeregistarais geat eai ohcan doaibmadoarjaga, movt logut juohkásit regiovnnaid ektui*

Duojárat geat eai ohcan	2007	2008	2009
Guovdageaidnu	5	7	9
Kárášjohka	1	1	1
Deatnu/Unjárge			
Muđui earát		1	4
Oktiibuot	6	9	14
Guovdageainnu oassi	83 %	78 %	64 %
Guovdageainnu ja Kárášjoga oassi	100 %	89 %	71 %

2.4 Ekonomalaš váldologut

2.4.1 Iežasráhkaduvvon dujiid vuovdin – ovdáneapmi ja movt juohkásit sohkabeali ja geografiija ektui

Vuovdin lea lassánan sihke oktiibuot ja maiddái gudege duojára nammii. Oktiibuot lassánii vuovdin golmma lagi áigodagas 2005-2008 76 %, dahje sullii 20 % gudege lagi. Juohke duojára ektui lassání johtu 54 % golmma jagis, dahje 16 % jahkái. Gaskamearálaččat vuvddii juohke duojár 2008:s iežas duoji birrasii 176.000 kr ovddas.

Ekonomalaš rapportta lávdegotti iskkadeapmi (20.8.2008) čajeha ahte 2007:s lei bealli duojáriin geat vuvde iežaset ráhkaduvvon dujiid gaskal 50-100.000 kr. ovddas. Sullii 20 % duojárii vuvde birrasii 100-150.000 kr ovddas ja sullii 10 % vuvde birrasii 150-250.000 kr ovddas ja sullii 20 % vuvde badjel 250.000 kr ovddas.

Tabealla 2.7 *Iežasráhkaduvvon dujiid vuovdin duojáriid gaskkas geat leat ohcan doaibmadoarjaga*

	2005	2006	2007	2008	Rievdan
Vuovdin, iežasráhkaduvvon duodji	5 817 000	7 339 000	8 480 000	10 218 000	+76 %
Duojáriid lohku	51	53	54	58	+14 %
Duojáriid gaskamearálaš vuovdin	114 100	138 500	157 000	176 200	+54 %

Nissonolbmot vuvdet čielgaseappot eambbo go dievdoolbmot

Tabealla 2.8 *Iežasráhkaduvvon dujiid vuovdin duojáriid gaskkas geat leat ohcan doaibmadoarjaga; nissonolbmot ja dievdoolbmot*

	2005	2006	2007	2008	Rievdan
Oktiibuot vuovdin nissonolbmot	3 956 000	5 111 000	6 091 000	7 705 000	+95 %
Oktiibuot vuovdin dievdoolbmot	1 861 000	2 228 000	2 389 000	2 513 000	+35 %
Oktiibuot vuovdin, buohkat	5 817 000	7 339 000	8 480 000	10 218 000	+76 %
Nissonolbmuid oassi vuovdimis	68 %	70 %	72 %	75 %	
Gaskamearálaš vuovdin, nissonolbmot	123 600	150 300	174 000	187 900	+52 %
Gaskamearálaš vuovdin, dievdoolbmot	98 000	117 300	125 700	147 800	+51 %

Heajumus dienas gudege duojárat ektui lea Guovdageainnus ja alimus Kárášjogas, muhto vuovdin lassána unnimus Kárášjogas.

Tabealla 2.9 *Iežasráhkaduvvon dujiid vuovdin duojáriid gaskkas geat leat ohcan doaibmadoarjaga; guðege suohkanis*

	2005	2006	2007	2008	Rievdan
Guovdageaidnu	2 902 000	3 479 000	4 090 000	5 013 000	+73 %
Kárášjohka	2 412 000	2 719 000	3 151 000	3 314 000	+37 %
Finnmárku muđui	443 000	644 000	749 000	1 045 000	
Eará fylkkat	61 000	497 000	489 000	846 000	
Oktiibuot vuovdin	5 817 000	7 339 000	8 480 000	10 218 000	+76 %
Guovdageainnu oassi vuovdimis	50 %	47 %	48 %	49 %	
Kárásjoga oassi vuovdimis	41 %	37 %	37 %	32 %	
Earáid oassi vuovdimis	9 %	16 %	15 %	19 %	
Gaskamearálaš vuovdin, Guovdageaidnu	90 700	112 200	131 900	147 400	+63 %
Gaskamearálaš vuovdin, Kárášjohka	172 300	209 100	225 100	236 700	+37 %
Gaskamearálaš vuovdin, earát	100 600	126 800	137 600	189 100	+88 %

2.4.2 Doaibmaboådus ja bálkádienas (ja veaháš duodjelanjaid ja vuovdinkánalaid birra)

Dán vuolitkapihtala sisdoallu lea huksejuvvon dan seamma rapportii ”Ekonomalaš raporta duoji ovdáneami birra” mii lea vuodđun jahkásaš duodješiehtadallamiidda. Dieđuid čohkkejít reportaskoviin maid doaibmadoarjagiid vuostáiváldit leat geatnegasat sáddet juohke lagi, gos čilgejít duodjedoaimma ekonomalaš ovdáneami jna. Majemus ekonomalaš raporta ráhkaduvvui 20.8.2008¹¹, ja dat sisttisoallá doaibmajagiid 2005-2007 ekonomalaš válđologuid (mat ledje vuodđun 2006-2008 áššemeannudeemiide). Birrasii 50-55 % doarjagiid vuostáiváldiin sáddejedje ekonomalaš reportaskovi vuosttaš lagiid go ohce doaibmadoarjagiid. Daid dieđuid mielde maid mii leat ožzon, de eai leat nu oallugat vástidan 2009 dieđuid čohkkema oktavuođas, ja danin ii ráhkaduvvон ekonomalaš raporta 2009 siehtadallamiidda. Danin mis váilot ođđaseamos dieđut ollu válđologuid birra mat gullet doaibmajahkái 2008, ja mii leat ferten birgestallat daid válđotállaguin mat gávdnojít 2008-raporttas (mii mearkkaša 2007 doaibmaekonomalaš tállat), dain oktavuodain gos eat leat gávdnan eará dieđuid. Ovttas ođđaseamos vuovdintállaguin maid dás leat čájehan gitta 2008 rádjái, ja mat leat vuodustuvvón buot fitnodagaide mat leat ohcan doaibmadoarjaga, de mii liikká oažžut muhtun muddui buori gova das makkár ekonomalaš dilli duodjefitnodagain lea.

Duoji doaibmaboådus

Dan 29 duodjiefitnodagas mat leat mielde dan joavkkus maid leat geahčadan, ja mat leat vástidan, rievddadíi 2007 doaibmaboådus, heajumus lei 14 606 kr. vuolláibáza ja buoremus lea 381 417 kr. vuositun. Dáin loguin leat melde 5 duojára geain lei negatiiva doaibmaboådus, 14 duojára geain lei doaibmaboådus gaskal 0 ja 100 000 kr. ja 11 duojára geain lei doaibmaboådus badjel 100 000 kr. 29 duojára oktasaš doaibmaboådus lea oktiibuot 2 732 278 kr, mii mearkkaša ahte gaskamearálaš doaibmaboådus lea 94 216 kr.

¹¹ Asplan Viak

Tabealla 2.10 *Duojáriid gaskamearálaš válđologut rehketdoallojagis 2007*

	Iežas duoji vuovdindienas	Alm.doaibma-doarjja	Oppalaš vuovdindietnasat	Doaibmagolut duodji	Doaibmaboadus
Gaskamearri N=29	165 353	62 555	245 984	153 828	94 216
<i>Alimus árvu</i>	<i>629 595</i>	<i>150 000</i>	<i>870 104</i>	<i>596 544</i>	<i>381 417</i>
<i>Vuolemus árvu</i>	<i>50 160</i>	<i>20 000</i>	<i>65 900</i>	<i>15 180</i>	<i>-14 609</i>

Váldotállaid ovdáneapmi dan golbma vuosttaš lagi go ekonomalaš rapporta sáddenortnet doaimmai, čájeha ahte iežasráhkaduvvon duoji vuovdin ja ollslaš vuovdindietnasat lassánedje dan áigodagas. Muhto maiddái doaibmagolut lassánedje, nu ahte 2007 gaskamearálaš doaibmaboadus lei oalle sullii seamma go 2006 boadus.

Gaskamearálaš doaibmaboadus lea oalle mearkkašanveara lassánan 2005 rájes 2006/2007 rádjái. Sivvan dasa lea árvideames ahte dien áigodagas ásahuvvui doaibmadoarjjaortnet, ja dat lea dagahan ahte doaibmaboadus jagis jahkái leat buorránan.

Tabealla 2.11 *Duojáriid válđologut 2005-2007*

	Iežas duoji vuovdindienas	Oppalaš vuovdindietnasat	Doaibmagolut duodji	Doaibmaboadus
G.mearri 2007 (N=29)	165 353	245 984	153 828	94 216
G.mearri 2006(N=30)	138 142	138 545	93 636	94 670
G.mearri 2005(N=30)	118 929	153 656	95 355	37 138

Bálkádietnasat earret duoji

Dan 29 duodjefitnodagas mat sáddejedje rapportaskovi dienasjakhái 2007, almmuhedje 15 duojára ahte sis lea eará bálkádienas lassin duodjedietnasa. Dat meakkaša ahte bealis sis geat vástidedje lei bálkádienas lassin dasa maid duojis dinejedje. Almmuhuvvon bálkádietnasat oktiibuot leat 1,52 mill. kr. ja gaskamearálaš bálkádienas dan 15 duojárii šaddá de 101 338 kr. Gaskamearálaš bálkádienas maid dinejit lassin dasa maid duddjomiin dinejit, lea njiedjan 2006 rájes, geahča tabealla dás vuoábealde. Lea hui unnán erohus dan joavkkus mii lea almmuhan ahte sis lea bálkádienas earret duoji ja olles joavkku, geahča tabeallas dás bajábealde.

Tabealla 2.12 *Ohcciid gaskamearálaš válđologut geain lea bálkádienas lassin duddjomii*

	Iežas duoji vuovdindienas	Oppalaš vuovdindietnasat	Doaibmagolut duodji	Doaibma-boadus	Bálkádienas earret duoji
<i>G.mearálaš 2007 (N=15)</i>	154 659	242 883	153 999	92 866	101 338
<i>G.mearálaš 2006 (N=18)</i>	132 870	133 335	102 066	78 287	158 473
<i>G.mearálaš 2005 (N=17)</i>	129 536	170 520	110 336	34 391	131 942

Duodjelanjat, vuovdinkanálat ja gelbbolašvuohat

Šiehtadallanbealálaččaide lea miellagiddevaš oažžut eanet dieđuid dan birra man muddui ohcciin leat iežaset duodjelanjat vai duddjojit go oktasaš duodjelanjain. Danin jerrojuvvui 2007:s ahte leat gos sis sin iežaset duodjelanjat, geavahit go oktasaš lanjaid vai láiguheit go lanjaid. Lagabui 80 % (23) dan 29 duojáris geat ledje mielde guorahallanjoavkkus vástidedje ahte sis leat iežaset duodjelanjat, dušše 1 duojár geavahii oktasaš duodjelanjaid, 3 duojára láigochedje lanjaid ja 2 duojára eai gávdnan makkárge vástádusa mii sidjiide heivii.

Ohccit bivdojuvvo čállit mat leat sin deháleamos vuovdinkanálat, sii galge válljet 6 vejolaš vuovdinkanála gaskkas, ja ledje 18 geat vástidedje dán gažaldaga. Vástádusat čájehit ahte vuovdin *Njuolga kundarii* ja *Iežas vuovdinbuvri* leat dehálepmosat daid duojáriidda geat vástidedje, dasto *Rámbuvri* ja *Márkanat*. Nugo ovđdit jagiid ge, de vástidedje duojárat dál maid ahte *Poasttas dingon/vuovdin* ja *Inteneahitta* leat unnimus dehálaččat sidjiide.

Čoahkkágeassu čájeha ahte árbevirolaš vuovdinkanálat leat dehálepmosat, nugo njuolga vuovdin kundarii ja earenoamážit dat ahte alddis lea vuovdinbuvri. Leat unnán geat geavahit odđa vuovdinkanálaid nugo poasttas vuovdima ja interneahita.

Duojáriid jahkásaš reporterenskovis galgá maid almmuhit lea go sus alddis čohkkon máhtru dahje formálalaš gelbbolašvuohat. Muhto majemus ekonomalaš raporttas 2008:s, leat nu moattes vástidan (10 dohkálaš vástádusa) ahte dat lea beare unnán vuodđu man mielde sáhtášii presenteret duojáriid gelbbolašvuoda.

2.5 Doaibmadoarjagii meannudeami boađus – ovdáneapmi, movt doarjjasumma juogaduvvo ja movt juohkásit sohkabeali ja geográfijia ektui

Doaibmadoarjaaortnet ásahuvvui 2005:s, muhto doaibmadoarjaa juogaduvvui vuosttaš geardde 2006:s.

Eatnasiidda juolluduvvo 40 % doaibmadoarjaa dan vuovdima ektui mii lei lagi ovdal ohcamuša meannudeami. Muhtumiid duodjejohtu lea badjel 375.000 kr., mii lea eanemus maid sáhttá dinet man vuodđul doarjja rehkenastojuvvo, ja danin sii eai oaččo ge eambbo go 150.000 kr. mii lea alimus doarjjasumma. Orro mannamen dan guvlui ahte čadat leat eanebut geain duodjejohtu lea eambbo go 375.000 kr. (sullii 20 % 2009:s) ja danin sii eai olat oažžut eanet go eanemusdoarjaga, mii lea 150.000 kr.

Mii oaidnit ahte sin lohku geat ohcet doaibmadoarjaga lea jámma lassánan áigodagas 2006-2009. Dušše moaddásii lea biehtaluvvon doarjja danin go eai deavdde eavttuid maid vuodul doarjja addojuvvo.

Etnasiin sis geat leat Duodjeregistarís mielde, geat leamaš das mielde maŋemus jagid, ja geat eai leat ohcan, lea árvideames duodjedienas vuollel 50.000 kr, ja danin sis ii leat vuodđu ohcat doaibmadoarjaga. Sáttá gal maid leat lunddolaš sivva dasa ahte muhtumat eai šat oza, go muhtun duojárat leat juo oalle alla agát olbmot.

Tabealla 2.13 *Doaibmadoarjagiid meannudeami bohtosat*

Juolludanjahki/Áššemeannudanjahki	2006	2007	2008	2009
Ohcan ja ožzon 40 % doarjaga ovddit lagi vuovdima ektui	46	47	48	48
Ohcan ja ožzon eanemus vejolaš doarjaga 150.000 kr.	3	4	6	10
Ohcan ja ožzon biehtalusa danin go lea vuovdán vuollel 50.000 kr.		1		
Ohcan ja ožzon biehtalusa eará sivaid dihtii	2 ¹²	1		
Oktiibuot ohcamušat	51	53	54	58
Man stuora oassi lea ožzon doaibmadoarjaga	96 %	96 %	100 %	100 %
Man stuora oassi ožzon 40 % ovddit lagi dietnasa ektui	90 %	89 %	89 %	83 %

Oktiibuot doaibmadoarjja duodjeealáhussii lea lassánan 2,2 mill.kr. rájes gitta 3,6 mill. kr. rádjái áigodagas 2006-2009, mii lea 64 % lassáneapmi. Lassáneapmi boahtá sihke das ahte leat eambbo ohccit ja ahte eanebuidda juolluduvvo stuorát doarjjasumma. 2006:s ledje doaibmadoarjagat gaskamearálaččat 43.000 kr. ja 2009 rádjái leat dat lassánan 63.000 kr. rádjái, dahje 44 %.

Tabealla 2.14 *Juolluduvvon doaibmadoarjja duojáriidda geat leat ohcan doaibmadoarjaga.*

Juolludanjahki/Áššemeannudanjahki	2006	2007	2008	2009	Rievdan
Oktiibuot doaibmadoarjja	2 206 000	2 803 000	3 233 000	3 622 000	+64 %
Bušehttii biddjon/sirrejuvvon doarjja	3,3 milj kr	3,0 miljkr	3,0 milj kr	3,3 miljkr	
Duojáriid lohku	51	53	54	58	+14 %
Gaskamearálaš doarjja guđege duojárii	43 300	52 900	59 900	62 500	+44 %
Doaibmadoarjja oassi ovddit lagi vuovdimis	38 %	38 %	38 %	35 %	
Doaibmadoarjja oassi seamma lagi vuovdimis	30 %	33 %	32 %		

Olles 75 % oppalaš doaibmadoarjagis juolluduvvui 2009:s duojáriidda geat leat nissonolbmot, dat lea 69 % lassáneapmi 2006 ektui. Sivvan dasa lea ahte nissonolbmot gaskamearálaččat ožžot stuorát doarjagiid (go vuvdet eanet) ja go leat čielgasit eanet nissonolbmot geat ohcet ja ožžot doarjaga.

¹² Eai leat duodjeregistarís, ja danin eai deavdde eavttuid maid vuodul doaibmadoarjja juogaduvvo.

Tabealla 2.15 *Juolluduuvvon doaibmadoarjja duojáriidda geat leat ohcan doaibmadoarjaga; nissonolbmot ja dievddut*

Juolludanjahki/Áššemeannudanjahki	2006	2007	2008	2009	Rievdan
Doaibmadoarjja nissonolbmot	1 520 000	1 982 000	2 332 000	2 723 000	+79 %
Doaibmadoarjja dievdoolbmot	686 000	866 000	962 000	900 000	+31 %
Doaibmadoarjja oppalačat	2 206 000	2 848 000	3 294 000	3 622 000	+64 %
Oassi doaibmadoarjagis nissonolbmuide	69 %	70 %	71 %	75 %	
Gaskamearáláš doaibmadoarjja, nissonolbmot	47 500	58 300	66 600	66 400	+40 %
Gaskamearáláš doaibmadoarjja, dievdoolbmot	36 100	45 600	50 600	52 900	+47 %

Buot stuorámus oassi doaibmadoarjagiin mannet Guovdageainnu suohkana duojáriidda, namalassii 1,8 mill. kr dahje 51 % 2009:s. Diet oassi lea alle jámma leamaš dien dásis manjemus jagiid. Nubbin stuorámus oassi oktasaš doarjagiin manná Kárášjohkii, 29 % jagis 2009, muhto dát oassi lea dađistaga njiedjan 42 % rájes 2006:s. Eará regiovnnain lea oppalaš doaibmadoarjaoassi lassánan 10 % rájes 20 % rádjái áigodagas 2006-2009. Jus geahčča gaskamearáláš doaibmadoarjagii juohke duojára nammii, de dat lei 2009:s alimus Kárášjogas, gos lei 76.000 kr., ja vuolemus Guovdageainnus, gos lei 54.000 kr. Eará regiovnnain lei 71.000 kr. Jus geahččá movt gaskamearáláš doarjja lea ovdánan áigodagas 2006-2009, de dat lea ovdánan eanemusat Guovdageainnus (+60 %) ja unnimusat Kárášjogas (+18 %).

Tabealla 2.16. *Doaibmadoarjagiid juohkin duojáriidda geat leat ohcan doaibmadoarjaga; suohkanat*

Juolludanjahki/Áššemeannudanjahki	2006	2007	2008	2009	Rievdan
Guovdageaidnu	1 084 000	1 363 000	1 670 000	1 843 000	+70 %
Kárášjohka	903 000	1 027 000	1 141 000	1 067 000	+18 %
Muđui Finnmárkkus	195 000	259 000	286 000	402 000	
Eará fylkkat	24 000	199 000	197 000	311 000	
Oktiibuot doaibmadoarjja	2 206 000	2 848 000	3 294 000	3 622 000	+64 %
Doaibmadoarjaga oassi Guovdageaidnu	49 %	48 %	51 %	51 %	
Doaibmadoarjaga oassi Kárašjohka	41 %	36 %	35 %	29 %	
Doaibmadoarjaga oassi earát	10 %	16 %	15 %	20 %	
Gaskamearáláš doaibmadoarjja, Guovdageaidnu	33 900	44 000	53 900	54 200	+60 %
Gaskamearáláš doaibmadoarjja, Kárašjohka	64 500	79 000	81 500	76 200	+18 %
Gaskamearáláš doaibmadoarjja, earát	43 800	50 900	53 700	71 300	+63 %

2.6 Oktiičohkkejeaddji árvvoštallamat

Dás vuolábealde áigut muhtun árvvoštallamiid bukitit dasa makkár váikkuhus doaibmadoarjjaortnegis lea leamaš. Dan dahkat go geahčat buot ovdalis čilgejuvvon dataanalysaid, ja guorahallat daid kvalitatiiva árvvoštallamiid oktavuoðaš (maid earet eará leat čohkken jearahallamiin).

Váikkuhusaid kvantitatiiva suokkardallan

Nugo čielgasit bodii ovdan ovdalis čilgejuvvon analysain, de dán riikkas leat eanemus duojárat Kárášjoga gielddas ja Guovdageainnu suohkanis. 2008:s ledje olles 81 % duodjeregistara duojáriin eret dien guovtti suohkanis. Duodji lea dakkár ealáhus gos leat hui ollu nissonolbmot, olles 65 % duojáriin duodjeregistararis leat nissonolbmot ja 71 % sis geat ohcet doaibmadoarjagiid, leat nissonolbmot. Gaskamearálaš ahki lea oalle allat ja 2005 rájes 2007 rádjái lea dat loktanen 46 jagis 51 jahkái.

Gávdnosiid maid guorahallamiin lea ovdanbuktán sáhttá čuovvovaš vuolitčuoggáide čohkket:

- Duojárid lohku duodjeregistararis lea oalle ollu lassánan, 2006:s ledje das 49 duojára ja 2009:s ledje 72 (+47 %).
- Oppalaš vuovdindietnasat mat bohtet dujiin maid ieš lea ráhkadan, leat lassánan 76 % áigodagas 2005-2008 duojárid gaskkas geat leat ohcan doaibmadoarjaga, ja lei 10,2 mill. kr. 2008:s.
- Gaskamearálaš vuovdindienas dujiin maid ieš lea ráhkadan lei 2008:s 176.200 kr., ja dat lea 54 % lassáneapmi 2005 ektui.
- Leat boahtán eanet duojárat/duodjefitnodagat main lea eanet dienas go 2005:s lei, ja 2007:s ledje 6 duojára/duodjefitnodaga geat/mat vuvde iežaset ráhkaduvvon dujiid badjel 250 000 kr. ovddas.
- Leat áibbas čielgasit eanet nissonolbmot geat leat duodjeregistararis, ja nissonoolbmuid lohku lassána eanet go dievdduid lohku. Nissonolbmuin lea maid leamaš 20-25 % eanet gaskamearálaš vuovdindienas iežaset ráhkaduvvon dujiin áigodagas 2005-2008.
- Sin doaibmaboðus geat leat mielde guorahallamis (raporta 20.8.2008), lei gaskamearálaččat 94 216 kr. Dat lea seamma dássi go lei jagis 2006, muhto oalle ollu eambbo go 2005 doaibmaboðus lei (jagi ovdal go álge juohkit doaibmadoarjaga), mii lei 37.000 kr.
- Sullii bealli sis geat leat vástdan, leat čállán ahte sis lea bálkádienas lassin duddjomii, ja sin gaskamearálaš bálkádienas jagis 2005 lei 132.000 kr., 2006:s dat lei 158.000 kr. ja 2007:s fas 101.000 kr. Dat ahte bálkádienas lei unnit 2007:s go ovddit jagiid, sáhttá mearkkašit dan ahte eanet duojárat válljejit geavahit eanet áiggi duddjomii.
- Kárten čájeha maid ahte duodjelanjat ja vuovdinkanálat leat árbevirolaččat ja unnán lea rievdan áiggi mielde. Eatnasiin leat alddineaset duodjelanjat ja eatmasat vuvdet duoji ruovttus dahje iežaset vuovdinbuvddain njuolga oastái.

Ovdalis čilgejuvvon ásshít čájehit ahte eanas mihtut maid árvvoštallamis geavahit, mat leat dan árvvoštallanmandáhtas mii mis lei, čujuhit ahte lea leamaš buorre ovdáneapmi olles dan áigodaga go doaibmadoarjjaortnet lea leamaš doaimmas. Ovdamearkkadihte lea

vuovdin lassánan maiddái 2008/2009 vaikko dalle lei finánsaroassu ja ledje vuordán ahte bohtet unnit turisttat ja ahte dat váikkuha vuovdimii. Okta váttsi válodočuolbma Sámediggái, mii lea doarjjaeiseváldi, lea máhttit veardádallat man ollu sis lea dáhtru vuoruhit ollislaš doarjjarámmas joksan dihtii dán váikkuhusa? Dát čuolbma šadda hui áigeguovdil ovdamearkkadihte de jus ollu eanet duojárat bohtet duodjeregistarrii ja duojáriid dienas lassána danin go doarjjasumma lassána seammás go vuovdin lassána (40 %, eanemusat 150.000 kr.). Jus ain lea nu ahte duodji ealáhussan galgá vuoruhuvvot, dainna ulbmiliin ahte lasihit dinema ja gánnáhahti bargosajiid, de dáidá fertet oððasis veardádallat doarjagiid struktuvrra – namalassii dan movt doarjagat juogaduvvojít.

Tabealla 2.17 *Čoahkkáigeassu doaibmadoarjagat - bušeahhta, juolluduvvon doarjagat, duojáriid lohku geat leat duodjeregistar, doarjagiid lohku, gaskamearálaš doarjja guđege duojárii*

Bušeahttajahki	2005	2006	2007	2008	2009	2010
Bušeahhta	-	3,28 mill kr	3,0 mill kr	3,0 mill kr	3,3 mill kr	3,65 mill kr
Juolluduvvon	-	2,206 mill kr	2,803 mill kr	3.233 mill kr	3.622 mill kr	
Duojáriid lohku		49	59	63	72	
Vuostáiváldiid lohku	-	49	51	54	58	
Gaskamearálaš doarjja guđege duojárii	-	43.300 kr	52.900 kr	59.900 kr	62.500 kr	

Ávkki kvalitatiiva analysat (dokumeanttat ja dieđut maid jearahallamiin leat čohkken)

Váldojurrdadovdu mii boahtá ovdalís čilgejuvvon kvantitatiiva datain, nannejuvvo dain eará dokumeanttain maid mii leat geahčadan ja jearrahallamiin maid leat čáđahan, mas ledje mielde duodjeealáhusa/duodjeservviid ja hálldahusa ovddasteaddjít. Informánttain lea seamma oaivilvuhta das ahte doaibmadoarjaaortnet lea váikkuhan dan ahte *eanebut leat gávnahan ahte lea vuodđu bargagoahtit eanet duodjedoaimmaiguin* ja dat lea maid dagahan dan ahte *vuovdin lea lassánan*. Gáibádusat mat leat doaibmadoarjagiidda, leat movttiidahttán/bággen eanebuid formáliseret iežaset fitnodatdoaimmaid, ja leat registreren ovtaolbmofitnodagaid ja ožžon organisašuvdnánummara Brønnýsundregistariin. Lea maid šaddan stuorát ággá sihke oainnusindahkat bargguid ja lasihit vuovdima, danin go doarjjaulbmilat leat hábmejuvvon dan láhkái ahte doarjja lassána dađimielde go duodjejohtu lassána. Vaikko muhtumat oaivvildit ge ahte eanas doarjjavuostáiváldit barge juo dujiin ovdal go dát ortnet ásahuvvui, ja ahte válđováikkahuus dasto lea ge nannet duojáriid mat juo leat sajáiduvvan duojárat, de daddjo maid ahte máŋggas eai livčé algán dahje joatkán dujiin jus doarjaaortnet ii livčé ásahuvvón, earenoamážit nissonolbmot. Leat maid sii geat oaivvildit ahte doaibmadoarjaaortnet lea dehálaš váikkunagaskaoapmi duodjái, danin go dan sáhttá juo ovdagihitii rehkenastit ja dat lea dakkár vuodđodienas masa sáhttá luohttit. Okta informánttain lohká maid ahte doarjaaortnet lea maid váikkuhan dasa ahte duodji lea dohkkehuvvon ealáhussan, ja ahte dát dohkkehheapmi lea dehálit movttiidahttinfaktor go iešalddis doarjjasumma.

Sihke ealáhusa ovddasteddjiin ja eiseválđdiin lea hui čielga oaidnu dasa ahte doaibmadoarjja mii juolluduvvo 40 % vuovdindietnasa ektui, lea earenoamáš ábas váikkuhangaskaoapmi duojáriidda. Ovdalis čilgejuvvon dieđuin boahtá maid ovdan ahte

doaibmadoarja dakhá lagabui 2/3 oasi *doaibmabohtosis*, ja almmá doaibmadoarjaga haga ii livče báljo leamaš dan meare dienas ahte dainna birgešii. Duojit leat divrasat ja oalle earenoamáš gálvu márkanis, ja go servodagas lea heittot ruhtaáigi, johtá duodji hejot. Diekkár dilis dakhá doaibmadoarja vejolažan duodjefitnodahkii ceavzít vaikko vel bargá ge dušše ”bealle fámuin”, ja sáhttá dán áiggi geavahit iežas ovddideapmái. Okta vuodðogažaldat mii guoská váikkuhandoarjjaortnegii, lea ahte lea go 40 % doarjjamearri vuovdima ektui gitta 375.000 kr¹³ rádjái, vaikko man ollu jagiid, dette nu buorre ortnet jus ulbmil lea oažžut gánnáhahti ealáhusovdáneami. Jus dán árvvoštallá kulturguoddi ealáhusdoaibman, de diehtelas lea álkit addit alla doarjagiid iešguðetlágán buriid kultuvrralaš ulbmiliidda go de jus doarjagiid ulbmilis galgá eanet deattuhit gánnáhahttima go kultuvrra.

Mii guoská dasa man ávkkálaš doaibmadoarja lea duodjefitnodagaid *ovdáneapmái*, de čujuhuvvo dasa ahte gávdnojít gal juo sierra váikkuhangaskaoamit nugo investeren-ja ovdánahttindoarjja. Almmatge, ovdal nie guhkás joavdá, de čuočehuvvo ahte leat doaibmadoarjagat mat addet dan meare nanu ruðalaš oadjebasvuoda ahte duojár duostá duoðas bargagoahtit nannet iežas doaimma. 40 % doaibmadoarjjan lea oalle ollu dakkár duojáriidda geat smávvát barget, ja dat addá vissis friddjavuða geahčécaladdat buvttademiin ja buktagiid ovdánahttimiin. Eanas duojárat hálidivčče áinnas beassat ohcamušbargguin maidda manná ollu áigi, nugo iešguðetlágán prošeaktaohcamušain (ovdamearkkadihte investerendoarjja, ovdánahttindoarjja jna.). Muhtun váldoiðinformánttaid dieðuid mielde geavahit ge muhtun duojárat dan ekonomalaš vuodu ja vejolašvuðaid maid doaibmadoarjja addá smávit buvttadanmašiinnaide ja smávit investeremiidda. Doaibmadoarjja buorida ruhtadili, ja danin leat muhtumat maid sáhttán bálkahit yeahkkebargiid dan botta ieža leat oahpu váldimin. Danin lea eandalii smávva fitnodagaid mielas doaibmadoarjja miha eanet muhtálaš ja álkit go dat ahte čaðat šaddat ohcat sierra doarjaga juohke áidna investeremii ja ovdánahttindoibmii.

¹³ Mearkkaša alimus summa maid sáhttá dinet go galgá oažžut 40 % doarjaga olles vuovdinsumma ektui. Alimus doarjja lea 150.000 kr.

3 Doaibmadoarjagiid eavttuid árvvoštallan

3.1 Áššečuolmmat, eavttut maid vuodul beassá duodjeregistarii ja doaibmadoarjja duodjefitnodagaide

Dás áigut árvvoštallat muhtun doaibmadoarjagiid eavttuid, ahte leat go dat ulbmillaččat doarjaga miittomeari hárrai.

Eaktun dasa ahte galgá sáhttít ohcat doaibmadoarjaga, lea ahte galgá leat ohcan miellahttun duodjeregistarii, ja dohkkehuvvon dasa lahttun. Go duodjeregistarii galgá beassat mielde, de ferte deavdit čuovvovaš eavttuid:

- Ohcci galgá deavdit eavttuid maid vuodul beasašii čálihit iežas Sámedikki jienastuslohkui. Jienastuslohkui čáliheapmi mearkkaša maid dan ahte ferte čálalaččat duodaštit ahte dovdá iežas sápmelažžan. Muho ii dárbaš gal leat čálihuvvon jienastuslohkui.
Earenoamáš dilálašvuodain sáhttá spiekastit dán gáibádusas.
- Ohccis galgá leat ovtaolbmofitnodat ja galgá leat diedihuvvon lassiárvodivatlohkui.
- Galgá leat vuovdán dujiid maid ieš lea ráhkadan, maid vuodđu lea sámi kultuvra ja árbevierru, unnimustá 50.000 kr. ovddas earret lassiárvodivvada.
- Galgá ieš čálalaččat duodaštit makkár reálagelbbolašvuohta ja/dahje formálalaš gelbbolašvuohta sus lea sámi duojis.
- Ohccit geat ožžot doaibmadoarjaga leat geatnegasat almmuhit dárbašlaš dieđuid go ekonomalaš raporta galgá ráhkaduvvot.

Meroštallannjuolggadus man vuodul rehkenastá doaibmadoarjaga surrodaga, sidjiide geat mudui devdet ovdalis namuhuvvon gáibádusaid, lea ahte juolluduvvo gitta 40 % doarjja iežasráhkaduvvon duoji vuovdinsumma ektui, muho eanemus doarjja maid sáhttá oažžut, lea 150.000 kr.

Dán kapihtalis mii geahčadit vuosttažettiin daid áššečuolmmaid mat gusket dás bajábeallái biddjojuvvon jorbačuoggáid golmma vuosttaš čuoggáide¹⁴.

Vuosttaš áššečuolbma (1. jorbačuokkis) lea árvvoštallat makkár váikkusat das livčče dán doarjjaortnegii jus Sámediggi mearridivččii ahte maiddái ohccit geat eai deavdde dán eavttu galget sáhttít oažžut doaibmadoarjaga. Dat guoská ohcciide geat eai deavdde eavttuid maid mielde beasaše čálihuvot Sámedikki jienastuslohkui, muho

¹⁴ Majemus čáhppes čuokkis giedhallojuvvo eará sajes, ea.ea 4.kapihtalis.

geat devdet duoid eará eavttuid, namalassii ahte sis lea ovtaolbmofitnodat ja ahte sii vuvdet dujiid maid ieža leat ráhkadan unnimusat 50.000 kr. ovddas earret lassiárvodivvada.

2. jorbačuoggá oktavuodas geahčadit mii dan makkár váikkhusaid dat dagašii jus maiddái eará fitnodatmállet go ovtaolbmofitnodagat sáhtáše ohcat ja oažžut doaibmadoarjaga. De mii smiehttat earenoamázít oasusservviid, muhto maiddái dakkár fitnodagat main lea juogaduvvon ovddasvástádus (DA), ovddasvástideaddji fitnodagat (ANS), vuodđudusat, searvvit ja organisašuvnnat sáhttet leat áigeguovdilat. Movt dát searvvit heivejit vuosttaš čáhppes čuoggá gáibádusaide? Sáhtášii go ovdamearkkadihte leat ávkkálaš ja vejolaš gáibidit ahte buot oamasteaddjít/oasusoamasteaddjít ovta fitnodagas galget deavdit eavttuid maid vuodul beasaše čálihit iežaset Sámedikki jienastuslohkui?

Goalmmát áššečuolbma duogáš lea ahte ollu duojárat vuvdet sihke dujiid maid ieža leat ráhkadan ja dujiid/mátkemuittuid maid earán leat oastán. Dies badjána ge gažaldat ahte movt ohci galgá sirret dieid? Movt galgá duodaštit ahte son lea dušše iežasráhkáduvvon duoji vuovdán? Go juo dás lea sáhka dataid doallevašvuða sihkkarastimis, dainna ulbmiliin ahte sihkkarastit ahte áššemeannudeapmi dáhpáhuvvá doarjaortnega áigumuša mielde, seammás go ortnet galgá unnimus lági mielde resurssaid gáibidit sihke ohccis ja hálldašeaddjis, de lea ge hástalus guorahallat makkár dokumentašuvnna galgá duojáris gáibidit, mii lea sihke ávkkálaš ja dohkálaš.

3.2 Čearddalaš sápmelaš dahje sámi gullevašvuhta – áittan dahje vejolašvuhtan váikkuhangaskaomiid geavaheapmái?

3.2.1 Sámedikki jienastuslogu gáibádusat –ráddjenhástalusat

Sámedikki jienastuslogu gáibádusain, maid ferte deavdit jus galgá sáhttit ohcat doaibmadoarjaga duodjeealáhussii, lea čuovvovaš sisdoallu:

- *galgá lea badjel 18 jagi dahje deavdit 18 jagi válgajagis*
- *ahte sámegiella lea ruovttugiella, dahje*
- *ahte lea dahje lea leamaš váhnen, áhkku dahje áddjá dahje máttut geain lei sámegiella ruovttugiellan, dahje*
- *ahte lea dakkár olbmo mánna gii lea dahje gii leamaš sámi jienastuslogus*

Dás oaidná ahte sámi jienastuslogu gáibádusat leat oalle viidát. Olmmoš ii dárbaš máhttit sámegiela iige sus dárbaš leat sámi kulturipmárdus. Lea doarvái ahte muhtumis du máttaráhkuin dahje máttarádján dahje muhtun lagas sogalaččas lea dahje lea leamaš sámegiella ruovttugiellan.

Dákkár definišuvnnain badjána maid dat juridihkalaš hástalus ahte makkár eavttuid vuodul galgá soapmása dohkkehít sápmelažžan. Jus du áhkuin ja ádján lea sámi duogáš ja hupme sámegiela, de don sáhtát iežat defineret sápmelažžan, vaikko ieš leat ge bajássaddan dakkár báikkis gos ii gullo sámegiella ja gos ii leat sámi kulturipmárdus. Buot oahppit Guovdageainnu joatkkaskuvllas ožžot oahpu sámi kultuvrras ja sámegielas.

Dat mearkkaša ahte olbmot geain muđui ii leat makkárge sámi gullevašvuhta sáhttet oahppat bures giela ja oažžut buori sámi kulturpmárdusa, muhto sii eai oaččo iežaset defineret sápmelažjan. Dat gáibádus, ahte olmmoš galgá muhtun eavttuid deavdit ovdal beassá čálihilie iežas sámi jienastuslohkui, ii leat jierpmálä oallugiid vásáhusaid mielde, ja dan lea oallugiidda váttis ipmirdit.

Jus duojáris leat veahkkebargit, de lea váttis duođaštit ahte buohkain sis lea sámi duogáš. Ii ge oro jierpmálä gáibidit sámi duogáža jus galgá doaibmadoarjaga oažžut, danin go duojárat ostet ollu duodjeávdnasiid olggobeale gávpegálvovuovdaleddjiin main ii leat sámi gullevašvuhta.

3.2.2 Sámi duodje-ja kulturmáhtu viidáseappot fievrrredeapmi – lea go sierra lohpi áitta vai vejolašvuhta

Váldonjuolggadus man vuodđun leat Sámedikki jienastuslohkui čálihan eavttut, lea bisson rievddakeahttá 2005 rájes. Dalle dat mearriduvvui maŋŋá Ealáhusorganisašuvnnaid ja Sámedikki gaskasaš šiehtadallamiid. Almmatge gávdne buriid ákkaid dasa manne earenoamás dilálašvuodain ferte addit sierra lobi *spiehkastit* dan gáibádusas ahte galgá leat čearddalaš sápmelaš. Dát sáhttá leat okta dain hástalusain mat duodjeealáhusas leat go galget oacčuhit eanebuid dan ámmáhii. Dálá duojárat boarásnuvvet, ja nuorra rávisolbmot ferrejít báikkis eret ja ásahit iežaset dálloodoaluid. Danin bieđgana duodjeoahppanvuodđu juo árrat ja ruovttuin eai oahpa šat duddjot (Norut Alta-Áltá/NIBR 2001¹⁵). Arbeviolaš duodjemáhtu fievrrredeapmi buolvvas bulvii mii ruovttuin dáhpáhuvvá, lea buore muddui juo jávkagoahtán.

Dábálaš skuvlasystemain sáhttet maiddái earát, geain ii leat čanastat sámivuhtii, beassat oahppat duođi. Doaibmadoarjaga ulbmil lea earet eará dat ahte ovddidit sámi kultuvrra duodjedoaimmaid bokte, vrd. goalmmát jorbačuoggá. Ja ferte árvvoštallat lea go dán vejolaš áimmahuššat dušše de go doarju duojáriid geain lea sámi duogáš. Ovdáneapmi manná dan guvlui ahte oahpahanásahusat šaddet dehálaččat duođi oahpaheamis boahtteáiggis. Dat addá vejolašvuoda sidjiide geain ii leat sámi duogáš oažžut dán ámmátoahpu. Ja jus dáid olbmuide ii atte seamma vejolašvuoda nagodit birget duodjedoaimmain, seammaládje go sidjiide geain lea čearddalaš duogáš, de dat sáhttá váikkuhit dasa ahte vuosttaš namuhuvvon joavku ii beroš šat nu bearehaga duođis.

Iešguđetlágán institušuvnnat geahččalit iešguđetláhkái nannet duodjemáhtu viidásit fievrrredeami. Sámediggi lea ovdamearkkadihte dahkan šiehtadusa Sámi allaskuvllain man ulbmil lea ” gávnahit vuodu man alde sáhttá ovddidit oahpuala huksejuvvon vuogádaga mii sáhttá hálddašit dokumenterejuvvon árbediedžuid”. Ja sáhttá vel namuhit ahte Sámediggi lea addán oahppođoarjagiid Boazodoalu oahpahuskántuvrii vai sáhttet ásahit duodjeoahppansajiid. Duodjeinstihtta lea ožzon doarjaga vai sáhttá ásahit duodjái bagadallanvirggi. Sámediggi lea maid addán doarjaga NatourNor ja Duodjeinstihtta ovttasbargoprošektii man ulbmil lea ásahit interneahttarámbuvrri gos sáhttet vuovdalit duođi.

Guovddáš gažaldahkan dasto šaddá ge ahte nákcejít go dušše sii geain lea sámi duogáš fievrrredit viidáseappot duddjoma. Veadjá lea dehálaš smiehttagoahtit maiddái dan makkár váikkuhusat šattaše jus luoittáše ollu eanet eará olbmuid duodjeealáhussii, dakkáriid geain lea beroštupmi, máhttu ja soaitá vel sámi gullevašvuhta ge. Dán ášši

¹⁵ Prošeavta čáđahii dálá Norut Alta – Áltá mii 2001:s lei NIBR oassi.

ferte sáhttit guorahallat májgga geahččanguovllus. Sáhttá go sámi kultuvrra ja árbedieduid vuhtiiváldit go maiddái earát, geain ii leat sámi gullevašvuhta, ráhkadir ja vuvdet sámi dujiid? Man ollu sámivuhta lea sámi dujiin? Šaddá eanet ja eanet dábálaš ahte leat earát go duojárat ieža geat ráhkadir ávdnasiid mat duodjái adnojit. Dadistaga lea duodji luovvanišgoahtán eanet ja eanet boazodoalus (Norut Alta/NIBR 2001). Dál sáhttá duodjeávdnasiid oastit vaikko gos.

3.2.3 Oassálastiid árvvoštallan ja loahppajurdagat

Duojáriid ealáhusorganisašuvnnain lea guovddáš sadji sámi giehtaduodjedoaimmaid viidásit fievrredeamis ja dat galget maid áimmahuššat miellahtuid beroštumiid. Go álgošehtadallamiin rahpe vejolašvuoda addit lobi spiekastit čearddalašvuodagáibádusas, de lea sihke Sámediggi ja ja ealáhusorganisašuvnnat dorjon dan. Eavttut eai leat vel rievaduvvon, ja ealáhusorganisašuvnnat leat midjiide duodaštan ahte sii dorjot dan ahte earenoamáš dilálašvuodain galgá sáhttit spiekastit čearddalašvuodagáibádusas.

Jus galgá sáhttit spiekastit dien gáibádusas, de oaivvilduvvo ahte fitnodagas galgá leat sámi kulturfágalaš gullevašvuhta ja máhttu. Nubbi organisašuvnnain oaivvilda ovdamarkkadihte ahte jus muhtun olmmoš fárre čielga sámi suohkanii ja áso dohko guhkit áigái, ja oahppá duddjot dábálaš árbevirolaš sámi duoji, nugo ovdamarkkadihit goikkehiid, de dat buktá áibbas unnán odđasa sámi duodjemáilbmái, danin go gávdnojit juo hui ollugat geat goikkehiid gorrot. Muhto, jus sii baicca buktet duodjeealáhussii juoidá odđasa, ovdamarkkadihte áibbas odđa duodjesortta maid eai nu beare gallis ráhkat, de sáhttá dohkkehít ahte spiekasta gáibádusas. Dat lea maid dohkálaš dakkár oktavuodain go duojár lea náitalan sámi bearrašii, ja su fitnodat dien láhkái duodas lea oassi sámi duodjeealáhusas.

Sámedikki áššemeannudeddiid dásis leat vuohttán ahte lea čádat leamaš sáhka dan birra ahte man garrisit galgá čuovvut gáibádusa ahte leat vuosttažettiin čearddalaš sápmelačcat geain galgá leat vejolašvuhta beassat duodjeregistarii. Ja dát ságastallan orro áiggi mielde lassánan.

Raporttas ”Mearkagálvvuid ovddideapmi duojáreddi” (geassemánu 2009), maid dat guokte duodje ealáhusorganisašuvnna leaba ráhkadan oktasaš prošeaktan, dorjot dan ahte váldonjuolggadus ain galgá leat ahte duojár galgá deavdit eavttuid maid vuodul beasašii čálihit iežas Sámedikki jienastuslohkui. Almmatge lea daddjon ahte oalle stuora oassi májgga sámi báikkálaš servodaga ovdañeamis majemus jagiid lea boahán sápmelačaid ja eará olbmuid, geat eai leat sápmelačcat, ovttasdoaimmas. Dat lea váikkuhan dasa ahte sámi kultuvra lea šaddan dovddusin sihke našuvnnalačcat ja internašuvnnalačcat, ja lea maid ráhkadan vuodu odđa ealáhusaide ja bargoovdánanvejolašvuodaid sihke sámi nuoraide ja earáide geat orrot ja ellet sámi guovlluin. Namuhuvvon prošeavitta stivrenjoavku guorahalai ge dan ahte duodji nugo ealáhus ja gálvomearka galgá sáhttit láhčit dili nu ahte muhtun sierranas dilis galgá sáhttit spiekastit váldonjuolggadusas. Dan berre sáhttit dahkat danin vai ásahuvvoše odđa ovdañanvejolašvuodat sihke árbeduodjái ja maiddái duodjái nugo giehtadáida ja ealáhus mii sáhttá odđa vugiid gávdnat. Stivrenjoavku definerii namuhuvvon rapporttas váldonjuolggadusas spiekasteami ná: *spiekasteami berre árvvoštallat sin ektui geain lea fágareive duojis ja/dahje geain lea reálagelbbolašvuhta duojis ja geain muđui lea sámi gullevašvuhta ja geat dovdet sámi kultuvrra ja giela.*

Dán oktavuodas lea dehálaš geahččat man gallásii dán rádjái lea miedihuvvon spiehkastit sámi gullevašvuoda gáibádusas, ja movt dat lea váikkuhan doaimmaide? Dán rádjái, namalassii cuojománu 2010 rádjái, lea Sámedikki dieđuid mielde duše okta olmmoš geasa lea miedihuvvon ah te beassá spiehkastit sámi čearddalašvuhtii gullevaš gáibádusas. Mii leat ipmirdan ah te leat leamaš muhtun ášshit gos leamaš váttis mearridit galgá go addot lohpi spiehkastit. Almmatge orro stuora doarjja čuovvut daid njuolggadusaid mat dál leat, seammás go lea dárbu oažžut čielgaseabbon daid rájiid maid siskkobealde njuolggadusaid galgá dulkot, vai šaddá álkit addit sierra lobi dakkár ohcciide geaidda hálidivčče addit doarjaga.

Jus rievdadivččii njuolggadusaid nu ah te oalát bidjá eret čearddalaš gáibádusa, de dat dagahivččii ah te eanebut sáhtáše ohcat miellahttun duodjeregistarii ja ah te eanebut sáhtáše ohcat doarjagiid. Muhto liikká ii leat daddjon ah te dat mielddisbuvtášii eanet ohcamušaid, danin go ain doalaha gelbbolašvuoda- ja buvtagáibádusaid. Muhto jus ekonomalaš rámmat bissot rievddakeahttá, de gal liikká dáidá šaddat nu ah te doarjja čearddalaš sámi duojáriidda šaddá vuoliduvvot veaháš. Njuolggadusaid rievdaapmi sáhtá gal maid dagahit ah te soaitá šaddat gažaldat das ah te gos duođit bohtet ja man "albma" duođit leat, earenoamážit de jus ii leat šat nu nanu gullevašvuhta sámi guovlluide. Jus ii nagot doalahit doarvái doaimma ja gelbbolašvuoda čearddalaš sámi duodjebirrasiin, de sáhtá liikká šaddat dárbu viiddidit doarjjaortnega nu ah te maiddái dakkár duojárat geain lea fágareive ja reálagelbbolašvuhta duođis sáhttet oažžut doarjaga.

3.3 Makkár fitnodatorganiseren gáibiduvvo–ovttaolbmofitnodat dahje maiddái eará

3.3.1 Fitnodatvuogit ja doaibmadoarjaortnegat

3.1 kapihtala nuppi čáhppes čuoggá mielde sáhtá doaibmadoarjaga juolludit váikkuhangaskaoapmin duše ovttaolbmofitnodagaide.

Ovttaolbmofitnodat lea doaibma maid okta olmmoš jođiha dan guovttagávdnái ah te manná go bures vai ii. Oamasteaddjis lea ovdamearkkadihte ollslaš ekonomalaš ovddasvástádus ja geatnegasvuodat jus doaimmain ii mana ruđalaččat bures dahje jus vejolaččat koňkána. Ja jus šaddá buohci guhkit áigái, de lea duojára priváhta ruhtadilli mii šaddá guoddit fitnodaga geatnegasvuodaid dakkár dilis. Das ii leat erohus olbmo priváhta ja fitnodaga ovddasvástádusas. Don ja du fitnodat leat okta! Nuppiin sániin dadjat, de lea fitnodaga vealgi du persuvnalaš ovddasvástádus, mii čuohcá maiddái du priváhta opmodahkii. Buorre bealli dákkár fitnodatvugiin lea ah te dus alldis lea ollslaš friddjavuohta disponenter fitnodaga ruđaid ja dahkat mearrádusaid¹⁶.

Ii gáibiduvvo iežakapitála go galgá ása hit ovttaolbmofitnodaga, earret de jus fitnodagas leat eanet go 30 bargi.

Makkár váikkuhusaid dat dagašii doarjjaortnegii jus viiddida doaibmadoarjaga maiddái eará fitnodatvugiide nugo ovdamearkkadihte oasusservviide jna., vuolgá muhtun muddui das movt árvvoštallá čearddalašvuodagáibádusa mii namuhuvvo vuosttaš čáhppes

¹⁶Gáldu: <http://www.kunnskapssenteret.com/articles/3123/1/Enkelpersonforetak-Enkeltmannsforetak/Kort-om-enkelpersonforetak-Enkeltmannsforetak.html>

čuoggás dás ovdalis. Jus guodđá dien gáibádusa ahte galgá sáhttít čálihit sámi jienastuslohkui, de sáhttet sii geat hálidit bargagoahit duodjedoaimmain viidát oktavuodain virgáibidjat olbmuid geat máhttet duoji, muhto geat eai leat sápmelaččat. Nugo ovdalis leat čájehan, de lea ovdáneapmi nu ahte duojáris eai šat leat iežas earenoamáš ávdnasat, muhto baicca dakkár vuogas ja heivvolaš ávdnasat mat eará báikkiin leat ráhkaduvvon mat barggu geahpedit. Ferte vuhtiiváldit duoji iežas earenoamáš sámivuoda ja geahččat movt dan áimmahuššet dálá duddjomis, ja makkár váikkahuusat leat jus duodjebirrasat šaddet stuorábut ja bargagohtet eanet dan guvlui ahte galgá ollu ráhkaduvvot ja ollu vuvdojuvvot.

Vearu dáfus lea maid dávjá heittot go lea ovtaolbmofitnodat. Buot dienas (sisaboantu earret goluid maid sáhttá gollun čállit) fitnодагас ferte čállot oamasteaddji priváhta iešdiedáhussii ovttas vejolaš eará dietnasiiguin mat fitnодагас soitet leat. Muhtun oktavuodain gal lea nu ahte ovtaolbmofitnodagat vearu dáfus leat ávkkálaččat. Ovamearkkadihte de jus ovtaolbmofitnodagas lea vuolláibáza, dan beassá fievrredit gollun oamasteaddji persuvnnalaš dietnasii, ja dien láhkái geahpedit oamasteaddji oppalaš vearu. Ja lea maid nu, ahte jus ovtaolbmofitnodagas ja oamasteaddjis muđui lea hui heittot dienas oktiibuot, de dat dagaha unnit vearu go ovdamearkkadihte oasussearvvis, man vearroproseanta lea 28.

Dat ahte gáibiduvvo ovtaolbmofitnodat ovdal go sáhttá doaibmadoarjaga oažžut, sáhttá ge leat hehttehussan fitnодага viidásit ovddideapmái, danin go lea fitnодага oamasteaddji iežas persuvnnalaš noadđi go šaddá vealgi váldit investeremiidda ja maiddái vearrodiłálašvuoda geažil.

Ii ge ovtaolbmofitnodat leat makkárge dáhkádus dasa ahte duojit mat doppe ráhkaduvvojit, leat albma sámi duojit. Doppe sáhttet bargat olbmot geain ii leat sámi duogáš.

Ealáhusa gávpejorru 2007:s lei 4,8 mill. kr. Dat lea 20 % lassáneapmi 2005 ektui. Stuorámus oassi gálvvuin vuvdojuvvvo njuolga kundarii, sierra vuovdinbuvriin, rámbuvriin ja/dahje márkanin. Poasttas ja interneahdas vuovdin geavahuvvo áibbas unnán. Dát mearkkaša ahte duojáriin ferte leat njuolga ja lagas oktavuohta kundariin. Diekkár lagasuohda gáibida ahte kunddar maid boaháduojaaid ektui mat váikkuhit turistarávdnjái. Danin lea ealáhusas dárbu ásahit vuovdinorganisašuvnnaid dahje nannosit ovtaolbmofitnodagaid mat ieža nagodit olahit stuorát márkanidda go báikkálaš márkanidda. Dien manit áššis gal dáidá leat álkit ovddidit doarváí nanu fitnодагаaid eará organiserenmálliiguin go ovtaolbmofitnodagaiguin.

Manemus jagiid ovdáneapmi čájeha ahte eanebut ja eanebut dinejít dađistaga eanet duodjedoaimmain. Dat sáhttá čájehit dan ahte ealáhus lea rievdamen astoáiggedoaimmas dehálit dienaspáldon go ovdal leamaš. Dakkár váikkuhangaskaoamit mat dorjot dušše ovtaolbmofitnodagaid, sáhttet hehttet dákkár ovdáneami.

3.3.2 Oassálastiid oaivilat ja loahppáárvvoštallamat

Vuosttaš šiehtadallamiin leigga goappešat duodjeorganisašuvnnat ovtaaoaivilis dasa ahte ferte gáržžidit dan olmmošjoavkku (maiddái juridihkalaš olbmuid) geat sáhttet dohkkehuvvot lahttuu duodjeregistarii (Sámedikki siskkáldas notáhtta 8.6.2007). Seamma notáhtas daddjo ahte šiehtadallančoahkkimis 24.4.2007 gaskal duoji ealáhusorganisašuvnnaid ja Sámedikki, bohte bealálaččat ovtaide čuovvovaš áššis:

”Siehtadallanbealálaččat lea prinsihpalaččat ovtaaoaivilis das ahte sáhttá viiddidit eavttuid mat gusket fitnodatuohkái go galget beassat lahttun duodjeregistarrii. Sámediggi galgá čielggadit makkár fitnodatvugiin sáhttá leat sáhka ja galgá maid árvvoštallat čearddalašvuoda čanastaga gudege fitnodatvugi oktavuođas. Dát čielggadeapmi galgá gárvistuvvot ovdal 1.7.2007. Siehtadallamat mat gusket duodjeregistarrii beassan gáibádusaid rievdađapmái giedhallojuvvoj seammás go jahkáša duodjesoahpmamuš siehtadallojuvvo.” ...

Dan manjil leat siskkáldasat Sámedikkis ráhkadan ollu siskkáldas notáhtaid ja árvvoštallan áššečuolmmaid mat gusket dasa makkár váikkuhusat das bohtet jus ortnega rievdađa¹⁷. Go leat árvvoštallan makkár fitnodatvugiid galggaše dohkkehít, de leat deattuhan dan ahte sihkkarastit duojára ja duodjegálvvuid dehálaš oktiigullevašvuoda. Lea namalassii juohke eaŋkil duojár gii dakhá dan ahte duojis lea dat dovdomearka ahte dat lea sápmelačča giehtaduodji – mii mearkkaša ahte duojáris lea dat dárbbašlaš máhttu mii dárbbašuvvo go galgá ráhkadit dakkár gálvvu mas lea nu earenoramáš duogáš. Seammás ferte duojáris maid leat dakkár eallinmálle, jurddašeapmi, kulturipmárdus ja gelbbolašvuhta mii lea dákhdussan dasa ahte gárvves gálvu lea dakkár albma duodji maid márkan gáibida ja mii dakhá ahte duodji lea eanet go dušše ealáhus.

Váikkuhus das go gáibiduvvo dušše ovtaolbmofitnodat, lea ahte hehtte duojára organiseret iežas doaimmas nugo son ieš hálida. Gažaldahkan šaddá ge ahte galgá go guovtti olbmos, geat ráhkadeaba juste seammalágán dujiid, leat goabbatlágán vejolašvuhta ovddidit iežaskka fitnodagaid, dušše danin go leaba fitnodagaid organiseren goabbatláhkái.

Okta eahpesihkkaris bealli mii boahtá das jus rievdađa fitnodatorganiserengáibádusa, lea ahte šattašii go de eanet eahpesihkarvuhta dan hárrái geat bessel duodjeregistarrii, mii mearkkaša ahte jerrojuvvo gii dujiid duddjo. Muhto maiddái ovtaolbmofitnodagas lea seamma vejolašvuhta bálkáhit bargiid go eará fitnodagain, ja dán rádjái ii leat registeren duodjeregistarrii gáržžiduvvon daid ovtaolbmofitnodagaid oktavuođas geain leat bálkáhuvvon bargit. De ii leat šat álo áibbas vissis ahte lea njuolga oktavuođa duojára ja duoji gaskkas, ja nu dat sulastahttet eará fitnodatvugiid.

Lea áibbas čielggas ahte lea dárbu ovdagihpii diehit sulaid man oallugiidda doaibmadoarjjaortnet galgá juollut, go dás lea sáhka ruđain mat galget sirrejuvvet ealáhussiehtadussii, ja danin leat ge biddjon eavttut mat mudjeđit geat bessel dán ortnegis ohcat doarjaga. Válđeroerhus dán oktavuođas ii oro leamen dat ahte lea go ovtaolbmofitnodat vai oasussearvi, dasgo goappešat diein fitnodatvugiin sáhttet leat bargit geat ráhkadit dujiid maid fitnodat vuovdá. Danin orro leamen ahte eará ráddjenruvugit go dat ahte geahččat movt fitnodat lea organiserejuvpon, orrot leamen eanet heivvolaččat. Lea ákkastallojuvvon ahte eanemus áigeguovdilis fitnodatvugiit earret ovtaolbmofitnodaga, jus daid galgá árvvoštallat, leat oasussearvi (AS), ovddasvástideaddji searvi (ANS) ja juogaduvvon ovddasvástideaddji searvi (DA), danin go diein lea oamasteapmi čielgasit definerejuvpon, vaikko ovtaolbmofitnodaga oamasteapmi leage buot čielgaseamos, go das lea dušše okta ovddasvástideaddji oamasteaddji. ”Vai galgá sáhttit ráddjet ohcciid logu ja ulbmiljoavkku, de ii berre duodjeregistarrii sáhttit váldit lahttun oasseserviid (BA) ja searvefidnuid dahje vuodđudusaid (Sámedikki siskkáldas notáhtta 8.6.2007).

¹⁷ Earet eará lea notáhtas 8.6.2007 (“min ref. 06/3799-14”) čadahuvvon vuđolaš árvvoštallan ”pro & contra” ahte galgá go dohkkehít eará fitnodatorganiserenvugiid go ovtaolbmofitnodagaid, maiddái dan oktavuođas go árvvoštallá gáibádusaid mat gusket čearddalašvuhtii. Vrd. maid notáhta 31.7.2007, ”min ref. 06/3799-16”, ja ii unnimusat notáhta 11.9.2008 (“min ref. 08/3500-9”).

Okta ágga manne hálidit dálá eavttuid doalahit, lea ah te doarjja manná njuolga duoji ráhkadeaddjái, ii ge fitnodaga passiiva oamasteddjiide, ja ah te lea dáhttu doalahit čearddalaš sámi gullevašvuoda. Eará ášši lea ah te hálidit hehttet dan ah te addit doarjaga seamma olbmui máŋgga geardde. Dákko lea vejolaš bidjat njuolgadusaide gáržžidemiid vai sihkarastá ah te nie ii dáhpáhuva. Ovdamearkkadihte sáhttá gáibidit ah te unnimustá bealli oamasteddjiin/oasusoamasteddjiin, ja vaikko vel 100 %, galget deavdit Sámedikki eavttuid maid vuodul beasaše Sámedikki jienastuslohkui, ja ah te duojáris gii dujiid ráhkada, áinnas galgá leat sámi duogáš. Prinsihpas eai leat dát earámállet gáibádusat go dat mat juo geavahuvvojit, goittot sin ektui geat oamastit ovtaolbmofitnodagaid ja leat duodjeregistarist.

Goappešat duodjeealáhusa šiehtadallanbealit, Riikkaorganisašuvdna Sámiid Duodji (SD) ja Duojáriid ealáhussearvi, dorjot dan ah te maiddái eará fitnodatvuogit go ovtaolbmofitnodagat galget sáhttít oažžut doaibmadoarjaga (jearahallan njukčamánus 2010). SD doarjja lea čielgaseamos, ja vuodusta ákkastallama dasa ah te doarjja dagahivčii ea.ea. ah te livčii sihkarit bálkádilli, penšuvdna ja sosiála buorit jus ovdamearkkadihte buohccá. Lea unnán ágga biehttalit doarjaga oasusservvíde danin go olaha seamma mihttomeari go beare gáibádusaide rievda veaháš. Duojáriid ealáhussearvi lea leamaš eanet eahpádusas, muhto doarju dan ah te maiddái oasussearvvit galget sáhttít oažžut doarjaga, jus sii devdet eavttuid mat leat biddjon Sámedikki jienastuslohkui beassamii. Lea váttis gáibidt ah te bargit galget leat sápmelacčat. Fitnodagaid oamasteaddjít galget maid deavdit gáibádusaide ah te buvttadeamis lea fágalaš ja kultuvrralaš kvalitehta.

Sámediggi/Sámedikki hálldahus orro leamen dat bealli mii eanemusat hálida doalahit gáibádusa ah te dušše ovtaolbmofitnodagat galget sáhttít oažžut doaibmadoarjaga (áššemeannudeddjiid jearahallan njukčamánus 2010). Sivvan orro leamen dat ah te sii ballet massimis stivrejumi dan ektui ah te nagodit go doalahit duodjeregistara ulbmila (doalahit ja ovddidit sámi kultuvrra jna.). Sii ballet maid veaháš das ah te šaddá beare váttis áššemeannudeapmi ja ah te dat dagaha maid garra deattu ekonomalaš rámmaide. Jerrojuvvo ah te jus leat ollu oamasteaddjít, galgá go de 50 % sis dahje buot oasusoamasteaddjít deavdit čearddalašvuhtii gullevašvuoda ja eará gáibádusaide, ja sáhttá go geavvat nu ah te dat ekonomalaš rámmat mat dál leat dán ortnegis, eai šat leat doarvái stuorrát. Daid dieđuid mielede maid mii leat ožžon, de leat Sámedikki juristtat digaštallan ja guorahallan eavttuid ja váikkahuusaid oalle miha vuđolaččat ja guhkes áiggi. Hálldahusa bealis ja áššemeannudeddjiid bealis lea álkimis giedħahallat ovtaolbmofitnodagaid, ja danin Sámediggi lea dan vuogi hálidan doalahit.

Mii leat ožžon dihtosii ah te 2009 bušeantaas bijai Sámedikki dievasčoahkkin 1 mill. kr, duojáriidda geat šaddet olggobeallái ealáhussiehtadusa, rievdaduvvon bušeantaas unniduvvui dát summa 500.000 kr. rádjái – dán vuollái bohtet eará fitnodagat go ovtaolbmofitnodagat. Golbma fitnodaga ožžo doaibmadoarjaga dán sirrejuvvon ruđain, guhge sullii 150.000 kr. Seammás go áššemeannudeddjiid bealis ákkastallojuvvui ah te jus rahpá ortnega maiddái eará fitnodatvugiide, de ferte ekonomalaš rámmaid lasihit, de lea maid okta áššemeannudeaddji čilgen ah te "go dát earenoamáš poasta ásahuvvui 2009:s, de dat sáhttá čujuhit dan guvlui ah te maiddái eará fitnodatvuogit galget bissovaččat sáhttet daid eavttuid vuodul ohcat doarjaga. Muhto de lea dehálaš muitit dan makkár váikkahuusaid dat buktá doaibmadoarjaaortnegii, ovdamearkkadihte dan ah te rámmat fertejít viiddiduvvot dahje ah te ferte čadahit eará gáržžidemiid (doarjjameriid, eará beassangáržžidemiid dahje sullasaččaid)?

3.3.3 Loahppaárvvoštallamat

Loahpaloahtpas lea dás sahka das maid hálida joksat ealáhussiehtadusain ja doaibmadoarjjaortnega mat leat duodjái ásahuvvon. Válđoulbmilin lea leamaš ahte hálidit nannet duoji ealáhusan. Duodjeealáhus ii leat beare gánnáhahtti, ja jus lea nu ahte muhtumat eai arvva ovttaolbmofitnodaga guovttagávdnái ovdánahttit, dahje jus soapmásat juo leat válljen organiseret doaimma oasussearvin, de sáhttá jearrat ahte lea go áššálaš ágga sin doalahit olggobealde. Ferte vihkchedallat ahte jus sidjiide rahpá vejolašvuoda beassat ohcat doarjaga, lea go de heajosmahttimin doarjaga ulbmila, ja man garrisit dat boahtha čuohtcat doarjjaortnega ekonomalaš rámmaide.

Doaibmadoarjjaortnega áigumušaid ektui jáhkit mii ahte lea riekta dohkkehit maiddái eará fitnodatvugiid go ovttaolbmofitnodagaid, goittot oasusserviid, muhto sáhttá doalahit gáibádusa ahte ovdamarkkadihte bealli oamastanosiin dahje oamasteddjiiin devdet čearddalašvuodaeavttuid (maiddái vejolaš sierralobiin) nugo dál lea. Eanemus doarjjaráji sáhttá doalahit nugo lea, jus oaivvilda ahte sis geain lea stuorát doaibma eai dárbbáš seamma buriid doarjjaortnega. Namuhuvvon notáhtas leat giedahallajuvvon muhtun vejolaš oktavuodat/”detáljat” mat sáhttet rahpat earenoamáš sisabeassama dahje dagahit ahte ii šatta seammadássáaš meannudeapmi. Das leat maid evttohuvvon movt dákkár ”ráiggiid” dahje ”vuoigameahttun diliid” sáhttá duognat dahje divvut. Mii oaivvildit ahte lea vuoddu rahpat vejolašvuodaid maiddái eará fitnodatvugiide, ja dan hálidit maiddái ealáhusorganisašuvnnat, nu ahte sáhtášii dahkat prinsihppamearrádusa mas daddjo ahte galgá dán rievdadusa čadahit. Ja dasto sáhttá Sámediggi iežas áššeráhkkanemiin lasihit eavttuid ja divodemiid maidda lea dárbu. Duohtavuodas ii dárbbáš iešalddis smávva oasusserviid doaibma leat earalágán go ovttaolbmofitnodaga doaibma, muhto doalvu go dat dákár dillái ahte doarjagat lassánit mearkkašahti ollu, dan ferte Sámediggi mearridit go giedahallá bušeahttarámmaid. Eai oro goitge leamen doarvái buorit ákkat hilgut muhtun duojáriid danin go sii leat válljen organiseret iežaset fitnodagaid earaládje, go sáhttá seamma áigumuša joksat go beare fal njuolggadusaid veaháš heivehallá. Stuorát fitnodagaid oktavuodas (sihke ovttaolbmofitnodagaid, oasusserviid jna.) sáhttá almmatge árvvoštallat sierra bušeahttarámmaid ja eavttuid maid mielde doarjaga juohká vai ovddida duoji stuorát oktavuodas, mii sáhtášii nanusmahttet barguibidjamiid vel eanet ja dahkat doaimma eanet gánnáhahttin. Go váilot heivvolaš váikkuhangaskaoamit mat sáhttet ovdánahttit duodjedoaimma stuorát oktavuodas, nugo ovdamarkkadihte dat ahte muhtun organiasermállet eai dohkkehuvvo, de dat sáhttá doaibmat hehtehussan duodjeealáhusa ovdáneapmái.

Loahpaláš árvvoštallan min bealis lea ahte eará fitnodatvuogit, goittot oasussearvvit, berrejít meannuduvvot seamma dásis go ovttaolbmofitnodagat. Dat mielddisbuvttášii ahte ovdamarkkadihte silbarávddit, niiberáhkadeaddjít ja lávvoráhkadeaddjít ja eará oasussearvvit sáhtáš beassat duodjeregistarii. Danin ferte gávdnat eará vugjid go hálida gáržžidit ollislaš doarjagiid viidodaga, go dan ahte fitnodatorganiserema atnit gáržžideapmái vuodđun – sáhttá ovdamarkkadihte bargiid lohkui bidjat bajemus ráji dahje gálvovuovdimma bokte gávdnat gáržžideami, mearridit man galle jagi eanemusat sáhttá oažžut doarjaga, geahpedit/dási mielde heivehit/dađistaga geahpedit doarjjameriid ja vejolaččat maid mearridit geahpedit duodjejoavkkuid maid áigu vuoruhit. Nugo 2009 bušeahdas, sáhttá maid álgoáigái mearridit ollislaš rámma man siskkobeadle juohká oasusserviide doarjagiid, ovdamarkkadihte 2-3 jahkái, dassážii čohkke vásáhusaid dan hárrái geat dákkár doarjagiid ohcet. Gelbbolašvuodagáibádus doalahuvvo nugo ovdal ge, ja dasa lassin gáibida ahte unnimusat bealli oamasteddjiiin galget deavdit čearddalašvuodagáibádusa. Sáhttá vel dárkileappot dadjat ahte seamma olmmoš ii sáhte oažžut doarjaga eanet go ovttä doaimma bokte.

3.4 Iežasráhkaduvvon dujiid – giehtabarggu dahje ”made in Hong Kong” dujiid vuovdima dokumenteren

3.4.1 Rehketdoallogeatnegasvuodat, -bargodábit ja bearráigeahčanvejolašvuodat

Okta hástalus doaibmadoarjaortnegiin lea makkár ekonomalaš vuodđu lea oažžut doarjaga. Fitnodat galgá vuovdán iežasráhkaduvvon dujiid badjel 50.000 kr. ovddas ovdal go sáhttá oažžut doarjaga. Doarjaga rehkenastin lea (gitta¹⁸) 40 % iežasráhkaduvvon duoji vuovdimis ja bajemus doarjarádji lea 150 000 kr.

Hástalus mii lea buot váikkuhangaskaomiid juolludeamis lea ahte juolluduvvojit go son ruđat mearriduvvon eavttuid mielde. Váddáseamos lea diehit dan ahte lea go dokumentašuvdna mii sáddejuvvo dakkár ahte dat čuovvu guoskivaš njuolggadusaid mat ráddjejit geat sáhttet doarjaga oažžut. Duodjedoaimmas galgá sirret maid lea dinen iežasráhkaduvvon dujiin ja maid lea dinen gálvvuid vuovdimis maid lea earáin oastán. Iežasráhkaduvvon duoji dienas lea vuodđu man mielde doaibmadoarjja juolluduvvo.

Dát mielddisbuktá ahte ferte ráhkaduvvot vuogádat mas sáhttá sirret dán guovtti gálvvovuovdima dietnasiid nu ahte álkit oaidná maid lea mas ge dinen, áinnas dan láhkái ahte dat ii dagat stuorát ekonomalaš liigegoluid dahje gáibit eanet olmmošlaš návcçaid guđege duojáris. Olahan dihtii vuovdingáibádusa, dahje danin vai olahivčii oažžut nu ollu doarjaga go lea vejolaš oažžut, de sáhttet muhtun duojárat giktašuvvat čállit iežas duodjedienasin maiddái dakkár duodjegálvvuid dietnasa maid eai leat ieža ráhkadan. Ferte maid guorahallat lea go doarjaaortnet juo dakkár ahte dat movttiidahttá olbmuid sáddet áibbas rievttes dieduid.

Dál lea nu ahte lea duojár ieš gii galgá sirret iežasráhkaduvvon dujiid dujiin maid lea oastán earáin. ”Ealáhusskovis” eai gávdno sierra poasttat maidda dieid sáhtášii sirret. Ealáhusskovis sáhttá dušše momssageatnegas ja momssakeahthes gálvvuid sirret. Doarjauostáiváldi šaddá ohcamušain, ja de go sádde rapporta Sámediggái, ieš sirret iežasráhkaduvvon gálvvuid vuovdima eará gálvvovuovdimiin. Raportačállin lea oalát huksejuvvon luohttamušii, nu guhká go ii gávdno makkárge registrerenvuohki dahje bearráigeahčanortnet – sierra iskkastallamat dahje sullasaččat, mat mielddisbuvttáše dan ahte duojár sáhttá gávnnahallat jus rapportii čállá áibbas boasttu dieđuid. Vuodđogažaldat lea ahte galgá go juo oalát heitit gáibideamis dokumentašuvnna dahje geahpedit dan gáibádusa, danin go dás lea sáhka nu smávva ruhtasummain, ja ahte dáidá fertet duhtat rapportaide mat leat ollislaččat huksejuvvon luohttamušii. Muhto dat ii leat áibbas váttisuodaaid haga, ja eanas surgiin servodagas gáibiduvvo dokumentašuvdna, maiddái smávva summain maid almmolaš ásahusat mákset. Sáhttá maid válljet dan vuogi ahte duojár galgá sáhttit sáddet dárkilit dokumentašuvnna/mildosiid go dat maid lea sádden, jus doarjagiid juolludeaddji bivdá dakkár duođaštusaid.

Dán áiggi lea dábálaš ahte eanas duodjefitnoagat geavahit rehketdoallofitnodagaid (informánta, Sámediggi njukčamannu 2010), ja muhtumat devdet ieža ealáhusskoviid.

¹⁸ Ealáhusorganisašuvnnat (jearahallan, njukčamánnu 2010) čuočuhit ahte lea leamaš ovttaoaivvivluhta dan hárrái ahte doarjjamearri lea juste 40 %, ii ge gitta 40 % rádjái. Sii lohket ahte Sámediggi lea singuin ovttaoaivilis dien ášsis, muhto ahte Sámediggi liikká lea ferten ”proforma” dihte čállit gitta 40 % rádjái, dasa leat formálalaš dahje eará sivat, muhto bealálaččat leat boahtán ovttaiide das ahte galgá juolluduvvot juste 40 % doaibmadoarjja iežasráhkaduvvon duoji vuovdima ektui.

Ealáhusskoviid ii dárbaš revisor dohkkehít (informánta Sámediggi). Gažaldat maid dán oktavuodas sáhttá divvut lea ahte makkár mearkkašupmi das lea gii rehketdoalu fievreda, ja lea go rehketdoalu fievrededdjiin doarvái ipmárdus/máhttu dan birra ahte makkár gálvvuid fitnodat vuovdá (mildosat/guittet/notáhtat), gii daid lea ráhkadan ja makkár ulbmilii ja vuovdinkanálai dat leat doaimmahuvvon (iežas atnui, vuovdimii jna osv.). Ja gokko lea rádji gaskal buhtis viidásit vuovdima ja iežas gálvvuid vuovdima, danin go dat maid iežas duodjin gohčoda, sáhttet maid leat dakkárat maiguin duojár ieš lea dušše eanet dahje unnit ieš bargan.

Min vuolggabáiki leat lágat ja láhkaásahusat maid vuodul geahčat makkár dokumentašuvdnagáibádusaid duojár juo lea geatnegas deavdit mat gusket su ekonomalaš dillái. Veadjá dat leat juo doarvái jus dan čuovvola dahje geavaha nu ahte dat lea duodai ávkin, dahje geahčá mii lea mii ii leat dohkálaš, dahje lea go váttisuohtan dat ahte eai čuovo lágaid dan ektui mii guoská dokumentašuvdnii?

Geat lea dasto rehketdoallogeatnagasat? Buot oasussearvvit ja vuodđudusat leat rehketdoallogeatnegasat. Fitnodagat nugo ovddasvástideaddji searvvit (ANS), juogaduvvon ovddasvástideaddji searvvit (DA) ja KS fitnodagat leat rehketdoallogeatnegasat jus dain lea gálvojorru badjel 5 mill. kr ja jus dain leat eambbo go 5 bargi. Searvvit mat vuvdet badjel 2 mill. kr leat rehketodoallogeatnegasat, ja dat guoská maid ovtaolbmofitnodagaide main leat opmodatoasis/oamit badjel 20 mill. kr ovddas dahje geain leat bargit mat dahket eanet go 20 jahkedoaimma. Almmatge, juohkehaš gii ii leat rehketdoallogeatnegas ferte liikká fievredit rehketdoalu (duohtavuodas dat leat girjedoallangeatnegasvuhta) girjedoallanlága ja girjedoallanláhkaásahusa mielde. Dát guoská buohkaide geat galget deavdit ja sáddet ealáhusskovi litnetlága mielde ja buohkaide geat galget deavdit vuovdinskovi man mielde lassiárvodivat rehkenastojuvvo lassiárvodivatlága mielde.

Ovdalis čilgejumi mielde leat ge dasto buot duojárat/fitnodagat duodjeregistarais girjedoallangeatnegasat. Muhto sii eai leat revišuvdnageatnegasat, danin go ovtaolbmofitnodagat main lea gávpejorru vuollel 5 mill. kr, ja mat eai leat rehketdoallogeatnegasat (go lea opmodatoassi/oamit vuollel 20 mill. kr ovddas ja main leat unnit bargit go gaskamearálacčat 20 jahkedoaimma), eai leat revišuvdnageatnegasat.

Girjedoallangeatnegasvuhta girjedoallanlága mielde mearkkaša ahte lea geatnegasvuhta girjái fievredit, spesifiseret, dokumenteret ja vurkkodit rehketdoallodieđuid dan láhkái ahte sáhttá áimmahušsat diedihangeatnegasvuđa. Daid dieđuid galgá majit áiggi sáhttít iskat ja dat leat earet eará guovddážis eiseválddiid vearro-ja divatbearráigeahču oktavuodas. Mii guoská dasa movt spesifiseret geatnegas rehketdoalloraporttaid, de galgá ráhkaduvvot girjáičállinspesifiseren, kontospesifiseren, skáhppojeaddjispesifiseren jna.

3.4.2 Árvvoštallamat ja loahppajurdagat

Duohtavuodas ii leat mihkkege váttisvuodaid ráhkadir girjerehketdoalu kontoplánni sierra kontonummariid maidda čállá makkár gálvosorttaid lea oastán, makkár iežasráhkaduvvon dujiid ja eará gálvvuid lea vuovdán, ja dakkár duojáriidda geain eai leat nu ollu gálvosorttat ii leat nu beare gáibileaddji dađistaga čállit iežasráhkaduvvon dujiid vuovdima – sáhttá juogo vurket guitte maid čállá go vuovdá, čállit dan girjái dahje merket kassaapparáhtii jus vuovdá bissovaš vuovdinbáikkiin. De goit lea gávdnamis juobe muhtun muddui ge dokumentašuvdnauodđu, maid doarjaga vuostáiváldi aňkke dárbaša go doarjaohcamušas galgá čállit man ollu lea vuovdán iežasráhkaduvvon dujiid. Dasto lea Sámedikki duohken man garra gáibádusasid sii bidjet dasa ahte diekkár

dokumentašuvdna galgá leat gávdnamis, ja ii unnimusat dat movt ja man dávjá sii áigot bearráigeahčcat iežasrhkaduvvon gálvvuid vuovdinloguid maid ohccit leat čállán rapporttaide. Dat ah te olmmoš diehtá ah te sáhttá muhtin boahtit čadahit iskama duollet dálle, dahe ah te revisor sáhttá iskat, lea dávjá doarvái ágga man vuodul ekonomalaš dieđuid raportačállin sáhttá buoriduvvot – nugo lea dábálaš buot ekonomalaš doaimmain.

Ealáhusorganisašuvnnat čállet ah te dál lea oamedovdoášsin dat ah te dokumentere go riekta. Sii oaivvildit ah te ferte gal muhtun muddui bearráigeahčcat ah te doarjjajuolludeamit duodjefitnodagaide dáhpáhuvvet riekta, nugo muđui lea dábálaš servodagas vai ii oktage fillašuva verrošit. Sámediggi berre sáhttít čadahit iskama jus lea eahpádus. Livčii sihkkareabbo jus fitnodagat livčče rehketdoallogeatnegasat (ja nu maiddái revišuvdnageatnegasat). Sámedikki ášsemeannudandásis daddjojuvvo ah te dokumentašuvdna sáhttá leat gáibideaddji bargu duojáriidda, muhto eatnasiin leat liikká dievaslaš rehketdoalut maid geavahit vuodđun go devdet ealáhusskovi – nu ah te hástalussan lea sirret duoji eará doammain. Dokumentašuvdnagáibádusat fertejít heivet dan áigumušii ah te duodjedoarjjaortnet galgá leat álki duojáriidda. Jus Sámediggi galgá giedahallagoahit rehketdoaluid bearráigeahčama dáfus, de ferte rehkenastit ah te ášsemeannudanáigi sáhttá šaddat guokte mánu guhkit.

Ovdalis čilgemiid vuodul lea lunddolaš *loahpalačcat árvvoštallat* ah te doarjjavuostáiváldái ferte almmuhuvvot ah te eiseválddit sáhttet álggahit bearráigeahčandoaimmaid vaikko goas, ja ah te rehketdoaluid kontoplánat fertejít devdojuvvot nu ah te sáhttá sirret iežasrhkaduvvon dujiid eará gálvvuin.

4 Áššemeannudeami, áššejođu ja duodjeregistara árvvoštallan

4.1 Áššemeannudeami ja áššejođu árvvoštallan–guovttooasát ohcanproseassa

Go duodjefitnodagat/duojárat ohcet doaibmadoarjaga, de sin ohcamušat meannuduvvojut gouvtti oasis. Odđa miellahtut fertejít vuos ohcat dohkkehuvvot miellahttun duodjeregistarii. Dat ohcanágemearri lea geassemánus. Fágalaš lávdegoddi meannuda dieid ohcamušaid. Dasto ferte juohkehaš ohcat iešalddis doaibmadoarjaga, ja dat áigemearri leat golggotmánnui. Doaibmadoarjaohcamušaid meannnuda Sámedikki Doarjjastivra, muhto hálddahus lea ožžon fápmudusa mearridit áššiin mat leat alimus doarjaráji rádjái.

Váldogažaldat maid mii dás geahčalit vástidit, lea ahte leat go áššemeannudanbarggut ja áššejohtu doaibman dohkálačcat. Dan mii áigut dahkat go oanehačcat čuvget muhtun iešguđetlágán *oalgegažaldagaid*:

- Álggos mii čilget áššejođu ja buktit dasa muhtun árvvoštallamiid.
- Dasto mii ohcat vástádusa dasa ahte čuvvojuvvoyit go *njuolggadusat* maid mielde juohkin galgá dáhpáhuvvat ja láve go doarjjaáššiid meannudeamis čuožžilit *bealálašvuodagažaldat*.
- Viidáseappot gávdnat vástádusa dasa movt *diehtojuohkin* ortnega birra gaskkustuvvo ja movt áššemeannudeami birra diedihuvvo
- Ja loahpas geahčat man guhkes áššemeannuáigi lea, mat leat deháleamos ákkat *ohcamušaid biehttaleamis* ja leat go *earenoamás áššečuolmmat mat leat eahpečielgasat ja váddásat* ipmirdit áššemeannudeamis.

Almmuheamis leat almmatge earenoamážit čalmmustahtán ahte lea go ávkkálaš ahte gávdno Duodjeregisttar, mii dálá eavttuid mielde mearkkaša ahte ohccit galget leat čearddalaš sápmelačcat (hearkkes dieđut olbmot birra). Dat sáhttá bidjat ”garra” góibádusaíd registara hálddašeddjiide, dahje soaitá góibidit eanet návcçaid ja veadjá maid leat heivemeahttun muhtun oktavuođain? Dan giedahallat dárkileappot kapihtalis 4.2.

Deháleamos dieđut ja oaivilat áššejođu ja áššemeannudeami árvvoštallamiidda, leat muhtun válljejuvvon áššedokumeanttat maid leat geahčadan, Sámedikki čoahkkingirjjit ja

notáhtat ja jearahallamat main leamaš mielde váldoiinformánttat hálddahusa bealis ja geavaheddiid ovddasteaddjí¹⁹.

4.2 Duodjeregistarii dohkkeheapmi ja eavttut maid vuodul dasa beassá

Váldosoaahpamuša § 7 mielde galgá gávdnot oðasmahttojuvvon registtar masa leat čállojuvvon buohkat geain lea riekti oažžut doarjaga ealáhusšehtadusa olis. Dát registtar galgá leat gárvvis ovdal go Ealáhusšehtadallamat álget borgemánu 15. beaivvi. Juohke duojár ferte ohcat beassat miellahttun registarii, ja galgá geavahit Sámedikki ohcanskovi mii lea vásedin Duodjeregistarii ohcanskovvi. *Fágálávdegoddi*, mas leat 5 miellahtu maid duodjeorganisašuvnnat leat nammadan ovttasráđiid, mearrida gii galgá beassat miellahttun. *Sámediggeráđđi* lea vádinásahus.

Miellahttovuhta árvvoštallojuvvo ”eavttuid vuodul maid bealálaččat leat soahpan” áiggis áigái. Njuolggodoarjaga máksin manjti jagi ealáhussoahpamuša olis dáhpáhuvvá dan registara vuodul. Registara ásaha ja goziha Sámediggi. Ii daddjo mihkkege dan birra ahte ferte go dasa juohke jagi registrerejuvvot. Sámedikki hálddahus gal cealká ahte geat juo leat miellahtut registarir eai dárbaš oððasis ohcat juohke jagi, muhto fertejít diedihit jus leat boahtán rievdadusat dieđuide maid ovdal lea sádden.

Bealálaččat šiehtadalle *eavttuid* mat gusket duodjeregistarii čáliheapmái 29.6.2005. Eavttut eai leat oassin váldosoaahpamušas dahje ealáhusšehtadusas. Boahtá ovdan ealáhusšehtadusa 10. čuoggás (2009-šiehtadusas) ahte lea Sámediggi gii mearrida ortnegii ”njuolggadusaid” ovttasráđiid duodjeorganisašuvnnaiguin. Njuolggadusat biddjojuvvoyit oassin Sámedikki jahkásaš bušehtaide. Ii daddjojuvvo mihkkege dan birra ahte movt dahje goas dát ”bealálaččaid gaskasaš šihttojuvvon eavttut” sáhttet rievdaduvvot.

Eavttut maid vuodul sáhttá beassat duodjeregistarii leat:

- Ohccis galgá leat ovtaolbmofitnodat ja son galgá leat čálihuvvon lassiárvodivatlohkui.
- Iežasráhkaduvvon duoji vuoddun galgá leat sámi kultuvra ja árbediedut ja galgá leat diekkár dujiid vuovdán unnimusat 50 000 kr. ovddas earret lassiárvodivvada.
- Ohcci galgá ieš duodaštit makkár reálagelbbolašvuhta ja/dahje formálalaš oahppu sus lea sámi duojis.
- Ohccit galget deavdit eavttuid maid vuodul sáhttet čálihit²⁰ Sámedikki jienastuslohkui, muhto sii eai dárbaš leat čálihuvvon jienastuslohkui. Earenoamáš dilis sáhttá spiekastit dán gáibádusas

¹⁹ Sáhttá ovdamarkkadihte leat vuogasvuhta jearahallat muhtun moadde duojára geat leat ožžon doarjaga ja geat eai leat ožžon, gullan dihtii sin oainnuid ja vejolaš moaitagiid ášsemeannudeapmái. Sáhttá maid leat vuogasvuhta ságastallat muhtun olbmuiguin geat mearridit ohcamušaid. Eará árvvoštallamis mii guoská doarjagiidda (Nygaard) leat vásihan ahte bealli sis geaidda ii miedihuvvon doarjaja juohkásedje guovtti oassái, sii geat ipmirredje biehttaleami, muhto eai dorjon ákkaid mat geavahuvvo ja sii geat eai ipmirdan biehttaleami. Das sáhttá badjánit dakkár gažaldat ahte leat go eavttut maid vuodul doarjagat juogaduvvoyit doarvái čielgasat ja lea go biehttaleami ákkastallan doarvái čielggas?

²⁰ Sámedikki jienastuslohkui čáliheapmi mearkkaša maid dan ahte olmmoš ferte čálalaččat duodaštit ahte son dovdá iežas sápmelažžan.

Go ohcá miellahttun Duodjeregistarii, de ferte ohcci addit dieid dieđuid ja sáddet doarvái mildosiid maid vuodul áššemeannudeamis sáhttá árvvoštallat ahte deavdá go eavttuid. Lassin dieđuide olbmo iežas birra ja mildosiidda, de galgá earet eará ”dujjid birra dieđut”, čállinbáiki adnot vuodđun árvvoštallat ahte sis leat dan meare iežasráhkaduvvon duojit maid vuodđun lea sámi kultuvra ja árbediehtu, ahte devdet gáibádusa, sii galget čállit makkár dujjid duojár duddjo vuovdimii ja makkár ávdnasiid geavaha duddjomis. Muđui galgá duojár ieš duodaštit makkár reálagelbbolašvuhta ja formálalaš gelbbolašvuhta sus lea duojis, ja maiddái almmuhit man ollu vuovdá ja man ollu dietnasisi boahtá iežasráhkaduvvon dujiin.

4.3 Doaibmadoarjjaohcamušaid meannudeapmi

Doaibmadoarjjaohcamuš sáddejuvvo *sierra skoviin* ohcanáigemearis mii nohká golggotmánus (golggotmánu 25. beavvi 2009:s). Ohcamušat mat dan maŋjil bohtet, eai meannuduvvo, daddjo njuolggadusain. Hálldahus cealká almmatge ahte sii dán rádjá leat čájehan *hui earenoamáš njuovžilvuođa*, go liikká leat meannudan áššiid mat leat boahtán maŋjil meannudanáiggi. Dat dáhpáhuvai earenoamážit daid vuosttaš jagiid ovdal go bargodábit ja ortnet lei doarvái dovddus duojáriid gaskkas.

Ohcamušas galgá dábálaš dieđuide lassin (namma, adreassa, organisašuvdnanummar ja diekkárat) almmuhit man stuora doarjaga ohcá ja man ollu lea iežasráhkaduvvon duoji vuovdán ovddit lagi. Dasa lassin galgá Ealáhusdieđáhus čuovvut mielddusin, nu maiddái livnnetduodaštus, vuovdindiedáhus, vearroduodaštus, lassiárvodivatduodaštus ja listu masa lea čállán iežasráhkaduvvon dujjid vuovdima. Rehketdoallu galgá leat daid gálvvuid mielde maid duojár lea ožžon dohkkehuvvot duodjin duoji Fágálávdegottis, go lea ohcan miellahttun Duodjeregistarii.

Doarjjavostáiváldi galgá deavdit gáibádusaid maid vuodul sáhttá oažžut doaibmadoarjaga, ja ferte ge leat čálihuvvon Duodjeregistarii²¹ ovdal sáhttá ohcat doaibmadoarjaga. Ealáhussiehtadus, maid duodjeorganisašuvnnat ja Sámediggi šiehtadallel jahkásáčcat, nanne doarjagiid *rámmaid ja válđovuoruhemiid*. Dat eavttut maid leat šiehtadallan fievrreduvvoyit Sámedikki bušehtii ja dohkkehuvvoyit dievasčoahkkimis, sihkkarastin dihtii ahte juolludeamit leat bušeahttármmaid siskkobealde.

Lea Doarjjastivra mii meannuda doaibmadoarjjaohcamušaid, ja Sámediggeráđđi lea váidinásahus. Sámedikki Doarjjastivra hálldaša ortnega, muhto lea mearridan sirdit muhtun oasi válldis Sámedikki hálldahussii. Dat mearkkaša earet eará ahte hálldahus meannuda ohcamušaid mat leat vuollel 125.000 kr. Juste diet ráđji orro leamen eahpelunddolaš, danin go eanemus doarjaja maid sáhttá juolludit, lea 150.000 kr, ja dasto meannuda Doarjjastivra duše daid áššiid main ohcet doarjaga gaskal 125.000-150.000 kr. *Ii go dákko livče vejolas hutkat álkit vuogi?*

Muđui gusket njuolggadusat maid Sámediggi lea mearridan ášsis 43/07; Sámedikki ohcanvuđđosaš doarjjaortnegiid hálldašeami rievdađeapmi, ja gáibádusat mat bohtet Sámedikki 2010 bušeahttadokumeanttas, kapihtala 3.2 ohcanvuđđosaš doarjagat.

²¹ Duodjeregistarii čáliheapmi ii atte vuogatvuoda makkárge doarjagii. Leat ealáhussiehtadallamat ja áššemeannudeamit dan maŋjá mat mearridit oažžu go doarjaga vai ii.

Seammás go duojárat ohcet doaibmadoarjaga, de sii leat geatnegasat sáddet sierra *raportaskovi* mas duodjefitnodaga ovddit jagi ekonomalaš dilli boahtá ovdan, mii mearkkaša ahte lea fitnodaga 2008 ekonomalaš dilli mii galgá čuovvut 2009 ohcamušaid. Jerojuvvo maid makkár gelbbolašvuohta ohccis lea, lea go sus fágareive duojis, alit oahppu duojis ja lea go gelbbolašvuodadilli moktege rievdan dan jagis masa raporta guoská. Mii leat ožzon dihtosii ahte *boahtteáiggis áigot heaitit gáibideames ohcciin dieđuid sin gelbbolašvuoda birra raportaskoviin*.

Raporterengáibádusa duogás leat ahte go šiehtadallojuvvui válodosoahpmuš gaskal ealáhusorganisášuvnnaid ja Sámedikki, de ásahuvvui *ekonomalaš lávdegoddi*. Válodosoahpmuša § 6 mielde lea lávdegotti mandáhtta “ráhkadit oktasaš čilgehusa ealáhusa ekonomalaš dili birra”. Dat galgá leat dehálaš *vuodđodokumeanta šiehtadallamiidda* gaskal ealáhusorganisašuvnnaid ja Sámedikki. Diet čilgehus galgá ovdanbuktojuvvot rapportas mii galgá čájehit duoji ekonomalaš ovdáneami. Áigemearri duojárii sáddet dien skovi lei jahkái 2009 golggotmánu 25 beaivi. Tállat mat almmuhuvvojit galget čiegusdiehtun meannuduvvot, nu lea ohcciide dieđihuvvon.

4.4 Áššemeannudeami, raportačállima jna. čoahkkáigeassu ja loahppaárvvoštallamat

4.4.1 Ollislaš govva

Guoskivaš njuolggadusat leat láidesteaddjin dasa movt šiehtadallamat galget čadahuvvot, movt ohcamušaid galgá čállit ja movt doaibmadoarjaga áššemeannudeapmi galgá leat. Dan guovtte-oasát ohcan-/áššemeannudamannolaga mii čájehit čuoggáin dás vuolábealde,::

- - Duojár ohcá beassat lahttun duodjeregistarii
- - Fágalávdegoddi meannuda ohcamuša
- - Vejolaš váidda ovddiduvvo
- - Sámediggerádi dahká vejolaš váiddaášsis mearrádusa
- - Sámedikki ja duodjeorganisašuvnnaid šiehtadallamat
- - Sámediggeráđđi ráhkada njuolggadusaid ovttasráđiid duodjeorganisašuvnnaiguin
- - Duojár ohcá doaibmadoarjaga
- - Doarjjastivra meannuda ohcamuša (addán hálddahussii fápmudusa mearridit ohcamušaid gitta 125.000 kr. rádjái).
- - Vejolaš váidda ovddiduvvo
- - Sámediggerádi dahká vejolaš váiddaášsis mearrádusa (vejolačcat Doarjjastivra jus dasa lea addon dat fápmudus)
- - Duojár oažžu doaibmadoarjaga

4.4.2 Árvvoštallamiid loahpalaš oktiigeassin

Giedħahallan dás ovddabealde čájeha ahte ohcan-ja áššemeannudanmannu dáhpáhuvvá oalle miha čorgadit. Muhtun surrgiin leat mii juo čujuhan ahte sáhtášii árvvoštallat

rievdadit, ja namuheimmet maid ahte ohcanáigemeriid eai leat nu čavga doallan, garvin dihte ahte ohcciide dan vuodul ii miedihuvvo doarjja.

Duodjeealáhusa ovddasteaddjit, geat bures dovdet áššemeannudeami, leat duhtavaččat *guovtteoasát áššemeannudanbargguiguin* – mii mearkkaša ahte álggos fertejit sii geat eai leat miellahtut ohcat beassat miellahttun duodjeregistarii ovdal go sáhttet ohcat doaibmadoarjaga. Sin dulkoma mielde mearkkaša dát dan ahte Fágálávdegoddi vuos árvvoštallá devdet go duoijit daid fágalaš eavttuid maid vuodul daiguin sáhttá beassat duodjeregistarii, ja dasto beassá Sámediggi bearráigeahččat ahte doaibmadoarjjaohccit devdet unnimusmeari vuovdingáibádusa. Dán manjhemus ášši lea sin mielas hui álki iskat. Eai ge ealáhusorganisašuvnnat leat bearahaga moaitán dan movt Sámedikki háld dahus ráhkkanahattá ohcamiid meannudeami ja movt giedahallá ohcamušaid duodjeregistarii ja doaibmadoarjjaohcamušaid. Áidna váttisvuhta lea leamaš nagodit čohkket doarvái miellahtuid vai Fágálávdegoddi sáhttá doallat čoahkkimiid, mii earet eará 2009:s dagahii guhkit áššemeannudanáiggi. Sámedikki áššemeannudandásis leat geazuhan ahte soaitá leat dárbbašmeahttun ja lossa vuohki guovtti oasis meannudit ohcamušaid, ahte livččii ollu álkit jus sáhtášii meannudit ohcamušaid mat gusket dasa ahte beassat duodjeregistarii ja doaibmadoarjjaohcamušaid seamma oktavuodas. Go dál lea juo listu mas gávdná dohkkehuvvon sámi dujiid, mat fágalaččat leat dohkkehuvvon, de ii soaitte Fágálávdegotti dárbbašit daid jahkásáš dábimielde ohcamušmeannudemiide. Daid sáhtáše de Sámedikki orgánat/háld dahus meannudit, danin go dan barggus lea deháleamos dat ahte iskat leat go ohcamušat juohkineavttuid mielde.

Mii guoská njuolggadusaide ja eavttuide maid mielde Fágálávdegoddi ja doarjjastivra/háld dahus galgá áššiid meannudit, de leat sihke ealáhusa ovddasteaddjit ja Sámediggeháldahus cealkán čielgasit ahte njuolggadusaide galgá čuovvut nugo bajitdási orgána daid lea mearridan, ja nu ahte áššit meannuduvvojtit fágalaččat dohkálaš vuogi mielde ja rievtuid. Eai ealáhusorganisašuvnnat ii ge háldahusa leat gullan geange buktimin dasa moaitámušaid. Stuorámus váttisvuhta lea leamaš ahte bealli doarjjavuostáiváldiin eai leat sádden dieduid ”ekonomalaš raportii”, mii lea dehálaš dokumentašuvdna ekonomilávdegotti bargguide ja ealáhussiehtadallamiin. Ealáhusorganisašuvnnat leat dovdan ahte Sámedikki áirasat geahčalit buktit iežaset oaiviiliid dasa makkár duddjojuvvon gálvvut galggaše dohkkehuvvot duodjeregistarii, muhsto organisašuvdna lea nannosit doalahan dušše Fágálávdegotti árvalusaide. Go muhtun hárve háve lea šaddan bealátvuodas gažaldat, de leamaš dáhpín ahte olmmoš giid dovdá iežas bealálažžan lea mitalan dan.

Mii guoská *diehtojuohkimii* duojáriidda váikkuhangaskaomiid, ohcanáigemeriid ja diekkáriid birra, de almmuha Sámediggi daid buori áiggis, ja sádde reivve buot duodjeregistara miellahtuide. Muhtun jagiid lea Sámedigge vel čuojahan nai muhtun miellahtuide registeraris geain eai lean ožžon ohcamušaid, gullan dihte ahte leat go sii áigumen ohcat. Sámediggi bidjá maid dárkilis dieduid iežas ruovttusiidduide. Maiddái ealáhusorganisašuvnnat sáddejít dieduid iežaset miellahtuide doarjjaortnega birra. Nubbi ealáhusorganisašuvnnain cealká ahte vaikko sii bidjet ollu barggu diehtojuohkimii, de sii liikká vásihit muhtumin ahte duojárat lohket sii eai leat ožžon dieduid.

Áššemeannuáigi lea eanas áiggi leamaš vuollel mánu, ja ealáhusorganisašuvnnaid vásahus leat ahte dat lea doaibman bures, earret muhtun moatti áššis. Sámedikki háld dahusas dadjet ahte áššemeannudanáigi duodjeregistarii lei liiggás guhkki dušše álgojagiid 2006:s ja 2009:s, dalle dat lei goasii 3 mánu, muđui lea dat leamaš dušše guokte vahku. Háld dahus lea liikká hui rašši bargiid dáfus, jus muhtun buohccá, de dat sáhttá dagahit oalle ollu manjoneami.

Eaktu maid leamaš veahás váttis ipmirdit ja áššemeannudit, lea sámi čearddalašvuodagáibádus, man vuodul galgá dohkkehuvvot duodjeregistarii. Muhto lea addon vejolašvuohta spiehkastit dien gáibádusas earenoamáš oktavuodain, jus ovdamearkkadihte lea sáhka duojáris geas leat nanu kultuvrralaš ja geográfalaš čanastagat sámi kultuvrii/sámi duodjái, dakkár diliin lea leamaš hástaleaddji Fágálávdegoddái dahkat mearrádusa dan vuodul movt eavttut dál leat hábmejuvvon.

4.4.3 Doarjjavuostáiváldiid váilevaš ekonomalaš rapportasáddemar, evttohus movt sahtáshii dieđuidčohkkema earaládje čađahit

Duodjeealáhusa váldosoahpamuša mielde galgá ráhkaduvvot ekonomalaš raporta mas duoji ovdáneapmi čilgejuvvo. Raporta galgá leat vuodđun Sámedikki ja ealáhusorganisašuvnnaid jahkásaš siehtadallamiidda. Muhto dieđut čájehit ahte dušše sullii bealli sis geat ohcet doarjaga vástidit skovvái mas galget iežaset doaimma ekonomalaš ovdáneami čilget, ja dat gáržzida veahás analyserenvejolašvuodaid. Gáibida maid ollu áiggi go galgá čohkkegoahít dieđuid. Dán rádjái lea duoh tavuođas skovi vástideapmi leamaš "eaktodáhtolaš" ášši duojáriidda. Sivvan dasa lea ahte dokumeanttas mii ovdal lea sáddejuvvon, ii biddojuvvon gáibádussan ahte galgá deavdit ja sáddet ekonomalaš rapportaskovi ovdal beassá čálihit duodjeregistarii dahje ovdal miedihuvvo/mákssojuvvo doarjja. Dilli šattai gal buoret dan rájes go dát oassi váldojuvvui mielde 2008 skovvái (mii sáddejuvvui 2009:s), ahte: "Buohkat geat ohcet doaibmadoarjaga duodjái, leat geatnegasat deavdit dán skovi". Dat lea maid čuvgejuvvon 2009 Ealáhussoahpamušas, muhto ii daddjo mihkkege dan birra ahte makkár ránggáštus šaddá jus ii sádde skovi. Ollislaš árvvoštallamiid vuodul evttohit mii ahte berre geahčéat movt sáhttá riev dadit dan vuogi mii guoská dieđuid viežzamii. Okta riev dadan vuohki sáhttá leat ahte heaitit sáddemis sierra skovi masa galgá čállit duoji ekonomalaš ovdáneami birra, ja baicca ovttastahttit dan seamma skovvái mainna ohcá doaibmadoarjaga. Ferte gáibidit ahte visot ekonomalaš logut ja eará dieđut almmuhuvvojtit ovdal go doaibmadoarjja miedihuvvo. Ja diehtelas ferte doalahit dan gáibádusa ahte galgá sáddet ealáhusdieđáhusa ja iešdieđáhusa. Dat addá Sámediggái vejolašvuoda sihkkarastit ahte dat logut maid ohcci dál almmuha ekonomalaš ovdánanskovvái, dollet deaivása. Doaibmadoarjaga ohcanáigemeari sáhttá doalahit nugo dat dál lea.

Diekkár riev dadeami buorrevuohta lea ahte Sámediggi ja ekonomalaš lávdegoddi ožžot miha buoret válljenmuni ja vuodú analyseret ealáhusa dili, danin go de bohtet miha eanet vástádusat. Dat geahpeda ohciid ja duojáriid skovvehivvodaga, go šaddá dušše okta skovvi maid galgá deavdit, eai ge guokte nugo dál, maid galgá goabbat áigemearrái sáddet. Dat sáhttá maid geahpedit sin bargohivvodaga geat ohcamušaid ja skoviid galget gieđahallat. Dákkár riev dadeami heajut bealli lea ahte logut maid de oažžu, eai leat áibbas "varas logut" dalle go ekonomalaš raporta ráhkaduvvo. Dat mearkkaša ahte rehketdoallotállat leat lagabui jagi boarrásat go ekonomalaš raporta galgá ráhkaduvvot. Liikká lea dát dábálaš bargovuohki sihke baozodoalus ja eanadoalus. Mii áigut almmatge čuoččuhit ahte lea buoret go oažžu duppali nu ollu vástádusaid go dál, vaikko vel logut eai leat odđaseamos logut. Dieđut čájehit ahte jagis jahkái eai dáhpáhuva nu beare stuora erohusat. Dát bargovuohki lea seamma go dat maid "Duoji ekonomalaš raporta" evttoha (20.8.2008).

4.5 Duodjeregisttar – vuogas hálldašeapmi mii guoská gáibádusaide movt galgá persuvdna- ja fitnodatdieđuid giedahallat

Diedut dohkkehuvvon duodjefitnodagaid birra leat čohkkejuvvon ”duodjeregistarii”. Duodjeregistarir leat diedut miellahtuid birra geain dadjat juo buohkain lea čearddalaš sámi duogáš. Dát leat seammás olbmot geat jodihit ealáhusdoaimmaid.

Láhka mii guoská persuvdnadieđuide definere álgoálggus ahte diedut olbmo čearddalaš duogáža birra leat hearkkes diedut²², muhto duodjeregisttar addá muhtun dilálašvuodain vejolašvuoda maiddái ohcciide beassat registarrii geat eai leat čearddalaš sápmelačcat. Dás vuolábealde mii čuvget *vuos* dan man čabučielga ášši dat lea ahte duodjeregistara ferte giedahallat seammaládjgo hearkkes persuvdnadieđuid, dahje lea go dás sáhka dakkár dilis man vuoddun sáhttá leat ahte leat eará lágat mat galget dahkkot guoskivažjan. Dan oktavuodas geahčat mii makkár konsešuvdna- dahje diedihangeatnegasvuodat dásá gusket ja mearkkašit go dat ahte ferte ohcat earenoamáš konsešuvnna ovdalis čilgejuvvon persuvdnaregistarii.

Nuppádassii, de lea nu ahte dát olbmot jodihit ealáhusdoaimmaid. Ja dan oktavuodas áigut mii manjelis geahčat dan man muddui das lea dadjamuš dasa makkár lágat galget biddjot vuoddun dasa mii guoská ovttadagaid/persuvnnaid birra dieđuid vurkkodeapmái ja oaidnimii.

Sámedikkis leat muhtun jagiid juo guorahallan duojáriid dataregistara ásaheami. Sámedikki siskkáldas notáhtas 8.6.2007 (06/3799 – 14) celkojuvvo ahte ”Nugo dál lea, de lea mearriduvvon ahte diekkár registtar galgá ásahuvvot” ja ahte dakkár registarrii gullet dihto geatnegasvuodat. Muhto daddjo maid ahte ”jus bidjat eret namahusa ”duodjeregisttar”, de sáhttá dahkat dušše eaŋkilmearrádusaid, ii ge dárbbas̄ smiehttat ahte gáibiduvvo čearddalaš duogáš. Registtar lea dušše listu mas oaidná geat ožžot doaibmadoarjaga, eará oktavuodain dat ii leat beare miellagiddevás”. Sámedikki siskkáldas notáhtas 11.9.2008 (min ref. 08/3500-9) daddjo viidáseappot ahte ”ii leat dárbu duodjeregistarrii go galgá juolludit doarjaga duojáriidda. Dat eavttut mat dál leat duodjeregistarrii beassamii, sáhttet hui álkit fievrreduvvot válodosoahpamušii eaktun maid vuodul doarjajuohkimat galget dahkkot”. Viidáseappot árvvoštallamiin leat mii geavahan vuodđun dan ahte lea jurdda doalahit duodjeregistara, muhto dat galgá ráhkaduvvot nu ahte lea lágalačcat áibbas riekta.

4.5.1 Lágat ja láhkaásahusat mat gusket Duodjeregistarrii – hearkkes persuvdnadieđut, konsešuvdnageatnegasvuhta ja diekkárat.

Dán vuolitkapihtala vuolggabáiki lea dat ahte duojárat gullet Persuvdnadiehtolága vuolláí. Danin leat árvvoštallamat dás ráhkaduvvon Láhkaásahusat mat gusket persuvdnadieđuide lága vuodul (www.lovdata.no), ja daid dokumentašuvnnaide ja bagadusaide mat gávdnojit Databearráigeahču dokumeantaarkiivvas (www.datatilsynet.no). Mii guoská dasa movt lágalačcat galgá beassat oaidnit persuvdnadieđuid ja movt daid galgá vurkkodit praktikhalačcat ja teknihkalačcat, dasa

²² Persuvdnadiehtolága § 2 nr 8a dadjá ahte diedut náli dahje čearddalaš duogáža dahje politihkalaš, filosofalaš dahje oskkolaš gullevašvuoda birra galget meannuduvvot hearkkes persuvdnadiehtun.

leat viežjan dieđuid earet eará vuđolaš bagadusain dáppe: www.normen.no. Dasa lassin leat mii geavahan rávvagiid ja dieđuid maid leat ožzon dain májggain ságastallamiin mat mis leamaš Databearráigeahčuin. Mii leat maid ožzon dieđuid Sámedikkis ja Boazodoallohálddahušas. Boazodoallohálddahušas leat vásáhusat bargguin go leat čohkken registarii dieđuid boazodolliid birra. Lojesbohccuiguin bargan gohčoduvvo sámi ealáhussan danin go leat dušše čearddalaš sápmelaččat mat bessel diekkár boazodoaluin bargat.

Persuvdnadiehtolágas leat oalle garra gáibádusat dasa movt hearkkes persuvdnadieđuid galgá giedahallat. Seammás ferte árvvoštallat man ávkkálaš Sámediggái lea ásahit elektruvnnalaš duodjeregistara jus dan oktavuodas šadet čuovvut garraseamos gáibádusaid dán lágas. Ferte árvvoštallat makkár gáibádusaid mielde sáhttá registtar dálá hámis doaibmat ja makkár sihkarvuodagáibádusat galget leat, dás ferte guorahallat teknihkalaš doaimmaid, bargiid, ja resurssaid, ja makkár váivvádusaid dat mielddisbuktá go lea registtar mii lea ráhkaduvvon persuvdnalága gáibádusaid mielde. Dan ferte árvvoštallat eará vejolaš čovdosiid ektui²³ movt dákkár registara sáhtášii ráhkadit, dahje ferte árvvoštallat eará njuolggadusaid duodjedoarjagiidda gos ii dárbbáš boahit dan dillái ahte rihkku persuvdnadiehtolága.

Ášsemeannudeddiijid dieđihangeatnegasvuhta ja konsešuvdnageatnegasvuhta persuvdnadiehtolágas lea regulerejuvvon paragráfain 31 ja 33 (<http://www.lovdata.no/all/tl-20000414-031-006.html#33>). Dain daddjo ahte váldonjuolggadus lea dat ahte lea geatnegasvuhta dieđihit go persuvdnadieđuid giedahallá elektrovnnalaččat, seamma guoská maid de jus ieš ráhkada persuvdnaregistara mii sistisdoallá hearkkes dieđuid olbmuid birra. Hearkkes dieđuid elektrovnnalaš giedahallan lea *konsešuvdnageatnegas*. Muhto ii álohhii. Konsešuvdnageatnegasvuhta guoská dábálaččat dakkár oktavuodaide go giedahallá hearkkes persuvdnadieđuid. Hearkkes persuvdnadieđut leat dakkárat go dieđut olbmo dearvvašvuoda, čearddalašvuoda, oskku, politihkalaš gullevašvuoda, ránggášvuloš daguid ja seksuála dili birra (geahča persuvdnadiehtolága § 2 nr. 8 gos oainnát olles dán listtu). Dieđut ja konsešuvdnaoħcamušat sáddejuvvojít Databearráigeħčui dahje persuvdnasuodjaleaddjái.

Konsešuvdnageatnegasvuhta ii guoskka persuvdnadieđuid giedahallamii stáhta dahje suohkana orgánain, jus dán giedahallamii lea su iežas láhkavuođđu, geahča persuvdnadiehtolága § 33, 4. laddasa. Liikká lea § 31 mielde geatnegasvuhta dieđihit dákkár dát persuvdnadieđuid giedahallama.

Árvvoštallamiin atnit mii muittus Databearráigeahču juridihkalaš ja datafágaláš olbmuid čilgehusaid, ahte vaikko vel orrot ge álggos hui garra formálalaš gáibádusat, de ferte ankke álo čadahit iežas árvvoštallamiid mat gusket ovdamearkkadihte dasa ahte hearkkes dieđuid sáhttá sirret májgga dássái. Dearvvašvuoda ásahusain, sosiála doaimmain, politijain ja suodjalusas leat dábálaččat hui hearkkes diedut. Fágaservviide gullevašvuhta ja politihkalaš gullevašvuhta leat maid hearkkes diedut, muhto daid miellahttolisttuid eai dábálaččat meannut nu čiegs áššin go ovdamearkkadihte dás ovdalis namuhuvvon hearkkes dieđuid. Ja nu sáhttá ge jurddašit ahte duodjeregistara miellahttovuhta, dán oktavuodas, ii dáidde dárbbášit leat nu beare hearkkes diehtu. Man

²³ „Eará registarín“ oaivvilduvvo registtar mas eai leat hearkkes dieđut olbmuid birra, danin go vejolaččat sáhtát diktit earáid go čearddalaš sápmelaččaid leat lahttun duodjeregistarís. Hui guovddáš gažaldat de lea man gallis geat eai leat sápmelacčat, namalassii dáččat ja rivgut, fertejít leat duodjeregistarís ovdal go dan sáhttá gohčodit dakkár persuvdnaregistarín gos eai leat hearkkes dieđut olbmuid birra? Min dieđuid mielde lei álggugeahčen 2010 dušše okta miellahttu duodjeregistarís gii ii leat sápmelaš.

muddui sáhttá spiehkastit lágas, dan ferte ovddasvástideaddji meannudeaddji, namalassii Sámediggi ieš, mearridit (Databearráigeahču, e-poasta medio 2009).

E-poasttas 12.3.2010 dieđihii Databearráigeahču ahte sin ossodaga juridikhalaš olbmot leat geahčan ášši ja gávnahan ahte ”dieđuid ferte meannudit hearkkes persuvdnadiehtun” ja ahte duodjeregisttar dasto lea konsešuvdnageatnegas. Eai sii máhttán gávdnat makkárge láhkavuodu mii attášii Sámediggái lobi čadahit dieđuidčohkkema duodjeregistarii dan láhkái ahte eai dárbbaš dasa ohcat konsešuvnna. Dasto lea nu ahte ferte ohcat duodjeregistarii konsešuvnna jus dat galgá leat dakkár listu mas galget leat dušše čearddalaš sápmelaš ohccit. Muho duodjeregistar lea addojuvvon vejolašvuhta ahte *earenoamás dílis sáhttí spiehkastit čearddalaš sámi duogás gáibádusas*, muho dál goit vuos ain *rehkenastit mii ahte dat ii leat doarvái ”beassat”* das ahte definerejuvvot registarin mas leat hearkkes dieđut, vaikko vel de sáhttet ge maid dakkárat beassat dan registarii geat eai leat sápmelačcat. Dan ferte almmatge iskat dárkileappot.

Ságastallamiiguin Databearráigeahčuin oaččuimet mii čielgasii makkár eará dieđuid lávejit defineret hearkkes diehtun, dan lea buorre diehtit jus áigu árvvoštallat movt earaláđje sáhttá hábmet registara sisdoalu. Oaččuimet čielgasii ahte olbmo ruhtadilli, adreassa ja riegádandáhton eai leat hearkkes dieđut. Iige riegádannummar (11 siffar) ge leat čiegu diehtu (Hálldaašanlága § 13 mielde) ja nu dat ii leat ge hearkkes diehtu Persuvdnadiehtolága mielde. Almmatge galgá riegádannummar geavahuvvot dušše de go áššálacčat lea dárbu dan dahkat, namalassii de go earaláđje (namain, riegádandáhtonin, adreassain, miellahtonummar ja diekkáriiguin) ii leat vejolaš doarvái sihkkarit duođaštit gii olmmoš lea. Dasa lassin dan sáhttá geavahit de jus áššit ja dieđut leat almmolaččat Almmolašvuodalága mielde, dasto dat leat almmolaččat buot olbmuide, vaikko de maid sáhttet leat muhtun bagadusat dasa movt²⁴ áššiid sáhttá almmuhit.

Databearráigeahču juridikhalaš vástdanbálvalus addá rávvagiid ja bagadallá persuvdnadiehtolága njuolggadusaid birra *oppalaš* vuodu alde. Sii gal dábálaččat eai daja summal dan ahte lea go Sámedikki persuvdnadieđuid meannudeapmi konsešuvdnageatnegas dahje dieđihangeatnegas, sii dárbbašit vuos dihro ášši man meannudeami vuodul dan sáhttet cealkit. Muho mii almmatge oaččuimet oalle čielga vástdusaid ja rávvagiid mat čujuhit sihke dan guvlui ahte duodjeregisttar lea hearkkes persuvdnadieđuidregistar ja ahte dat lea konsešuvdnageatnegas danin go buot dan miellahtut leat čearddalaš sápmelaččat. Mii guoská dieđihan-ja konsešuvdnageatnegasvuhtii, de sii rávvejedje eanet dan birra lohkat Databearráigeahču neahttasiidduin²⁵.

Persuvdnadiehtoláka lea almmatge hábmejuvvon nu ahte lea ovddasvástideaddji meannudeaddji, dán oktavuođas Sámedikki, ovddasvástádus bearráigeahčat ahte persuvdnadieđut hálldašuvvojtit dohkálaččat. Lea ovddasvástideaddji meannudeaddji gean geatnegasvuhta dieđiheapmi ja konsešuvdna lea. Eará rolla mii olbmos sáhttá leat njuolggadusaid ektui, lea datagiedahalli – dalle olmmoš giedahallá persuvdnadieđuid muhtun ovddasvástideaddji meannudeaddji ovddas. Jus muhton ossodat dahje doaibma giedahallá persuvdnadieđuid Sámedikki ovddas, ja go lea Sámediggi gii duoh tavuođas lea

²⁴ Ovdamearkkadihte sáhttá muhtun dieđuid oktavuođas, mat leat ”almmolaččat gávdnamis”, gáibiduvvot ahte galgá sáhttít gávnahit gii lea iskan/viežan dieđuid doppe, dahje ahte galgá diehtit áššenummara dahje sullasaš dieđuid ovdal beassá dieđuide.

²⁵ http://www.datatilsynet.no/templates/article_215.aspx. Liŋka konsešuvdnaskovvái: http://www.datatilsynet.no/templates/article_205.aspx

ovddasvástideaddji meannudeaddji, de gáibiduvvo ahte diet doaimmat ráhkadit datagiedahallansoahpamuša, vrd. persuvdnadiehtolága § 15²⁶.

4.5.2 Dieđuidvurkkodan sihkarvuhta, teknikhalaš heiveheamit ja resursageavheapmi duojáriid persuvdnadiehtoregistarii (duodjeregistarii) ja eará ealáhusdoaimmaide

Áššečuolmmat – ja maid dadjet guoskivaš lágat, láhkaásahusat ja čálalaš bagadusat:

Databearráigeahčus leat garra gáibádusat dasa movt diekkár duodjeregisttar, mas sáhttet leat hearkkes persuvdnadieđut, galgá jođihuvvot ovdamearkkadihte arkiiva bealis. Dasa lassin leat gáibádusat mat gusket hearkkes persuvdnadieđuid juohkima sihkarvuhtii ráhkaduvvon vel garraseabbon.

Sámediggi lea ovdal juo ráhkadan álgoárvvoštallamiid dan birra makkár dárbbašlaš rievademiid lea dárbu dahkat ja makkár váivvádusaid dat buvttáše, jus áigu ásahtit dakkár duodjeregistara mii čuovvu Persuvdnadiehtolága áigumušaid. Dálle árvvoštali Sámediggi ahte dáidá šaddat beare váttis ja bargogáibileaddjin oažžut diekkár dohkkehuvvon listtu, danin go sii jáhku mielde dáidá šaddat ásahtit odđa bargodábiid ja odđa teknikhalaš čovdosiid. Dalle lei maid jurdagis ahte jus diktá earáid, geat eai leat sápmelaččat, searvat lahttun registarii, de dat soaittášii álkidahttit registara hálldašeami, ja sáhttášii dan sadjái baicca bidjet geográfalaš eavttuid.

Sin ”váttisvuhta” lea earet eará dat ahte duodjeregistara čearddalašvuodagáibádus hehtte reporterenbarggu ja nu maid diehtojuohkinjodu áššemeannudeddjii viidáseappot systemas jna. Dat sáttá maid dagahit oppalaččat eanet hálldašanbarggu. Sii čujuhit maid dasa ahte nu garra čearddalašvuodagáibádus lea dušše sidjiide geat ohcet doaibmadoarjaga ja buresbirgejeaddjiortnegiid. Ii makkárge eará doarjaortnegis leat diekkár gáibádus, nugo ovdamearkkadihte investeren- ja ovddidandoarjagis, ja danin dain ii leat nu čavga meannudeapmi. Nie garra gáibádusat eai leat boazodoalu jodiheamis ge, muhtun Sámedikki áirasa dieđuid mielde.

Dás lea namalassii sáhka hui dábálaš áššečuolmmas – ahte ferte veardádallat váivvádusaid ja goluid mat leat go galgá vissis mállet dataregistara hálldašit, dan ektui man ollu ávki lea doalahit daid eavttuid mat nu garrisit ráddjejit dan geas galgá leat vejolašvuhta ohcat ekonomalaš váikkuhangaskaomiid. Dahje vel čielgaseappot: gažaldahkan lea ahte ferte go doalahit čearddalašvuodagáibádusa vuodđun oažžut doaibmadoarjaga vai gávdnojít go eará molsaeavttut movt registeret persuvdnadieđuid. Vai joavdat viidáseappot árvvoštallamis, de leat geahččalan gávnnahit mii njuolggadusain duoh tavuođas dárkilit daddjo ja makkár praktikhalaš váikkuhusat das leat. Lea go duoh tadilis nu beare stuora erohus das movt halddaša persuvdnadiehtoregistara ja movt hálldaša hearkkes persuvdnadiehtoregistara, dasgo goappešat registariid ferte dohkálaččat hálldašit. Vai sáhttá go gávdnat álkít čovdosiid mat seammás devdet gáibádusaid mat lea dieđuidvurkkodan sihkarvuhtii.

Diehtojuohkinsihkarvuhta meannuduvvo Persuvdnadiehtolága § 13:s²⁷ ja das čujuhuvvo ahte ovddasvástideaddji meannudeaddji ja datagiedahalli galgaba bearráigeahččat ahte dieđut mat gusket persuvdnadieđuid meannudeapmái, giedhallojuvvojít dohkálaš vuogi

²⁶ <http://www.lovdata.no/all/hl-20000414-031.html#15>

²⁷ Lov 2000-04-14 nr. 31: Lov om behandling av personopplysninger (personopplysningsloven).

mielde. 2.kapihtalis Láhkáasahusas²⁸ čilgejuvvo dát vuđoleappot. Vai buorebut ipmirda dan áigumuša, de mii čujuhit maid láhkaásahusa § 2-1 dadjá, ahte njuolggadusat gustoit earenoamážit de go elektrovnalaš veahkkeneavvuiguin giedahallá dakkár persuvdnadieduid gos lea sáhka ”hehttet heakka ja dearvašvuoda massima, ekonomalaš táhpas dahje áktejumi dahje gudnálašvuoda njeaidimis. Dakkár diliin lea dárbu sihkarastit čiegusvuoda, dieđuid gávdnama ja integritehta”. Go ieš giedahallá dieđuid, de gustoit dušše oppalaš njuolggadusat mat gusket persuvdnadieduid sihkarvuhtii persuvdnadiehtolága § 13 mielde. Muhto doppe daddjo maid ahte doaimmat galget ”leahket jáhkehahti vejolašvuoda ja sihkarvuodarihkkuma váikkuhusaid ektui”.

Láhkaásahusa § 2-10 Fysalaš sihkarastin namuha ahte ”galgá sihkarastojuvvot nu ahte dakkár gii ii leat autoriserejuvvon ii beasa geavahit veahkkeneavvuid mat adnojít dakkár persuvdnadieduid meannudeapmái mat gullet dán láhkaásahussii”. Ja láhkaásahusa § 2-11 cealká ahte ”persuvdnadiedut mat sirdojuvvojít elektrovnalačcat dakkár sirdinmašiinnaid maid ovddasvástideaddji meannudeaddji ii ieš sahte bearráigeahčat, galget ”gissojuvvot” nu unnin go vejolaš dahje earaládje sihkarastojuvvot, go lea dárbu dieđuid doallat čiegusin”. § 2-15 mii lea Eará doaimmaid sihkarvuoda birra, daddjo ahte ”ovddasvástideaddji hálddašeaddji galgá dušše dakkáriidda sirdit persuvdnadieduin elektrovnalačcat geat devdet láhkaásahusa gáibádusaid. Dát čuoggát gusket ollu daid praktihkalaš hástalusaide mat háldahusain leat, maiddái Sámedikkis, go galget mearridit movt galget dohkálačcat giedahallat iežaset dataregistariid persuvdnadieduid.

Jus dáhttu eanet diehtit dieduid sihkarastima birra, de sáhttá lohkat Databearráigeahču ruovttussiidduin²⁹. Databearráigeahču diedihii e-poasttas 12.3.2010 čielggadeaddjái ahte sii råvvejtit čuovvut bagadusa maid gávdna dáppe: www.normen.no³⁰ mii guoská dasa movt dákkár hearkkes dieđuid galgá giedahallat, vaikko diet bagadus álgoálggos lei ráhkaduvvon dearvašvuodadieduid giedahallama váste. Almmatge lohke sii seammás ahte gávdno rádji das maid man hearkkit dieđut leat, ja dan mielde veardádallat man garra sihkarvuodadoaimmaid galgá ásahit. Dábálačcat jurddaša goit olmmoš ahte dieđut olbmot dearvašvuoda birra berrejít sihkarastojuvvot ollu garraseappot go dakkár listtu dieđut mas oaidná fágasearvvi miellahtuid, mat láhkadefinišuvnna mielde maid leat hearkkes dieđut.

Praktihkalaš heiveheamit – muhtun rávvagat Databearráigeahčus, Boazodoalloháldahusa vásáhusat ja čálalaš bagadus suohkaniidda ja fylkkaide dieđuid sihkarastima birra:

Suohkana doaimmaide gullet ollu bálvalusat mat mielddisbuktet ahte šaddá iešguđetlágán persuvdnadieduid (elektrovnalačcat) meannudit. Oddaáigasaš diehtojuohkinteknologija dahká vejolažjan meannudit dieđuid nu máŋgaládje – čohkhet, bargat daiguin, vurket ja sáddet earáide – sihke hearkkes ja ii-hearkkes dieđuid. Čállosis *Bagadallan suohkaniidda ja fylkkaide dieđuid sihkarastima birra*³¹, 4.kapihtalis Sihkarvuodaulbmil, gávdno hui buorre ollesgovva das makkár praktihkalaš sihkarvuodačovdosiid almmolaš etáhtat/Sámediggi dáidet šaddat čuovvolit iežaset dihtorvuogdagan:

²⁸ FOR 2000-12-15 nr 1265: Forskrift om behandling av personopplysninger

²⁹ http://www.datatilsynet.no/templates/Temaforside_105.aspx.

³⁰ Norbma = Dearvašvuodasuorggi dieđuidsikhkarastin norbma. Norbma sistisdoallá buot gáibádusaid maid ferte duhtadir ovdalgo deavdá gáibádusaid mat leat lágain ja láhkaásahusain, mat gusket dearvašvuodasuorggi dieđuidsikhkarastimii. Norbma sáhttá maid bidjat garrisit gáibádusaid go daid mat lágain leat.

³¹ Databearráigeahču 26.1.2005, TV-202:2005)

- Persuvdnadieđuid elektrovnnaš meannudeapmi doaimma diehtojuohkinvuogádagas; ulbmil sáhttá leat seamma go alla kvalitehta ášsemeannudeapmi
- Suohkana iešguđet ossodagaid gaskasaš datagullahallamis; ulbmil sáhttá leat buorebut gávdnan ja jođánis ášsemeannudeapmi
- Laktin olggobeale dihtorfierpmádahkii; ulbmil lea olahit buoret ášsemeannudeami ja ahte geavaheaddjit buorebut gávdnet dieduid
- Dihtorgulahallan; ulbmil sáhttá leat njuovžilis ovttasdoaibma eará servodatossodagaiguin dahje hálldašandásiiguin
- Ruovttukántuvra ja telegeavaheapmi oassin doaimma persuvdnadieđuid elektrovnnaš meannudeamis

Ovdalis namuhuvvon čuoggát čujuhit maid veaháš dan guvlui ahte makkár doaimmaid ferte rehkenastit álggahit ja man ollu resurssaid ferte rehkenastit atnit go galgá (hearkkes) persuvdnadieđuid giedahallat lágalacčat riekta.

Loahpalačat áigut čujuhit muhtun konkrehtalaš čovdosidda mat leat áigeguovdilat Sámediggái, mat leat huksejuvvon daid vásáhusaide mat Databearráigeahču ja Boazodoalloháldahusa ášsemeannudeddjiin leat mii guoská boazodoallobasabasa hálldašeapmái, gos maid giedhallojuvvojít čearddalaš/sámi persuvdnadieđut.


Muhtun praktihkalaš rávvagat Databearráigeahčus, mat gusket duodjeregistarrii, datavuogádagaid ja hearkkes persuvdnadieđuid birra:

- Sihke hearkkes persuvdnadieđut ja persuvdnadieđut muđui galget vurkkoduvvot dohkálačat nu ahte vierrásat eai beasa daid oaidnit. Juohke diehtočoakkáldat galgá giedhallojuvvojít sierra dadimielde man alla dási "suodjaleapmi" galgá biddjojuvvon dihtorsystemaide. Hearkkes dieđuin galgá leat alladit sihkarvuodásirren go eará persuvdnadieđuin, muhto maiddái hearkkes dieđuid lea buorre sirret sihkarvuodádasi mielde, dadi mielde movt orro vuogas, makkár várra lea ja makkár váikkuhusat sáhttet šaddet. Čieguš dearvvašvuodadieđut dahje dieđut mat gusket riikka sihkarvuhtii, dáidet leat miha eanet čieguš dieđut go listu mas oaidná fágasearvvi miellahtuid?
- Muhtun sihkkaris dihtorsystemat leat huksejuvvon nugo guokte sierranas "doaimma" mat eai gula oktii – mas lea siskkáldas ja olgguldas sona main ii leat njuolgut oktiigullevašvuhta, muhto dan guovtto gaskkas lea gaskasona ("demilitarisert it-sone"). Jus ášsemeannudeaddji galgá sáddet čieguš dieđuid iežas doaimma siskkáldas gaskasonas earáide (kundariidda, ovttasbargoguimmiide jna.) mat leat olggobealde su siskkáldas dihtorfierpmádaga, de ferte ášsemeannudeaddji vuoš ieš manuálalaččat sirdit dieđuid gaskasonii, ja de fas das sáddet/sirdit olgguldas sonii. Dat lea danin vai dieđut eai dáhpedorpmis sáddejuvo doaimma olggobeallái.

Jus olggobealde galgá beassat siskkáldas fierpmádahkii, ovdamearkkadihte regionálakántuvrras, de gáibiduvvojít guokte sihkarvuoda sisabeassandási mat goappešagat gáibidit sihkarvuodádovdomearkka. Ja sihkkarastejuvvon dieđuid ii sáhte viežžat ruovttudihtoris.

Čállosis Bagadallan suohkaniidda ja fylkkaide dieđuid sihkkarastima birra (Databearráigeahču 2005) lea 18.kapihtalis čilgejuvvon sihkarvuodaarkitektuvra, mas leat sihkarvuodasonat juogaduvvón ná: sihkkaris sona, siskkáldas sona ja olggobeale fierpmádat, nugo oaidná goviosis dás vuolábealde.

Govus 4.1 *Sihkarvuodaarkitektuvra – sonaide juohkin*



Dát govus čájeha ahte hearkkes persuvdnadiedut galget giedahallojuvvot ja vurkejuvvot sihkkaris sonaide gosa besset dušše dohkkehuvvon geavaheaddjit. Okta doaibma sáhttá ráhkadir mánga sihkkaris sona dárbbu mielde. Ferte unnimusat leat okta teknihkalaš sihkarvuodacaggi gaskal sihkkaris ja siskkáldas sona. Gaskal olgguldas fierpmádaga ja sihkkaris sona galget leat guokte sihkarvuodacakki. Go hearkkes dieđuid sádde olgguldas fierpmádahkii, de galget dieđuid áibbas čoahkkái ”gissojuvvot” (krypterejuvvot), ovdamearkkadihte VPN-systemain. Čujuhit bagadusa 6.kapihtali gos lea buorre ollislaš govva mas oaidná movt iešguđetlágán persuvdnadiedut giedahallojuvvojt.

- Jus lea ságas Sámedikki ossodaga birra mii lea eará guovllus dán riikkas, de sáhttá leat doarvái dušše logget interneahdas nugo dábálačcat geavaheaddjenamain ja beassansániin, jus ii leat sáhka beassat oaidnit hearkkes dieđuid. De sáhttá maid oažzut lobi viežzat diekkár dieđuid, muhto liikká góibiduvvo ahte báikkálačcat giedahallet dieđuid dohkálaš lági mielde.

- Jus muhtun olggobeale ossodat Sámedikkis galgá beassat oaidnit hearkkes dieđuid Sámedikki serveris, de ferte máñggain beassansániin logget sisá ja mannat gaskasona bokte. Muhto de eai galgga sáhttít doppe viežzat dieđuid ossodatkántuvrraide, muhto sáhttet daid sirdit gaskasonii ja sáddet ”čoahkkáigissojuvvon” dieđuid e-poasttain. Hearkkes persuvdnadieduid sáhttet e-poasttain sáddet dušše čoahkkáigissojuvvon hámis ja go geavaha sihkarastojuvvon VPN-čovdosiid, nu ahte sirdimat serveris ossodatkántuvrii leat sihkarastojuvvon.

- Jus ášsit leat almmolašvuodalága mielde graderejuvvon almmolaš ášsin, de ankke eanas oktavuodain lea nu ahte dat leat dušše muhtun muddui almmolačcat. Sáhttá ovdamearkkadihte biddjot dihorrii góibádus ahte galgá sáhttít góvdnat gii lea iskan dahje viežzan dieđuid. Ovdamearkkadihte vásihit olbmot geaid kredihttaárvu lea iskojuvvon ahte ožzot reivve data/bálvalusa skáhppojeaddjis ahte namahuvvon fitnodat lea iskan du kredihttaárvvu.

Boazodoalloháldahusa dihtorsistema birra ja boazodoallodieđuid hálldašeami sihkarvuohta:

- Boazodoalloháldahus vurkkoda dieđuid buot dán riikka boazodolliid ja sin siidaossosiid (doaluid) birra. Dat sistis dollet earet eará persuvdnadieduid nugo persuvdnanummara, muhto dain sáhttá oažzut maid dieđuid čearddalašvuoda birra, danin

go eanas oassi sis geat barget boazodoaluin Norggas leat sápmelačcat. Ja go lea čearddalašvuoda dovdomearkkas sáhka, de dat leat hearkkes persuvdnadiedut, ja Boazodoallohálddahus lea ožon konsešuvnna Databearráigeahčus doalahit dáid databasaid.

- Danin go dat leat elektrovnnačcat vurkejuvvon persuvdnadiedut, ja go dat vel sistis dollet hearkkes dieđuid (čearddalašvuoda birra), de leat sii bidjan iešguđetlágán beassancakkiid dáid dieđuide. *Beassanbearráigeahčan* regulere makkár bargit dohko bessel, makkár hámis sii bessel oaidnit dieđuid ja maid sii sáhttet daid dieđuiquin bargat (dušše lohkat, rievadit jna.) Dihtorsystemas lea ohcangeaidnu, nu ahte álo sáhttá iskat geat databases leat leamaš ja makkár vejolaš rievadusaid sii leat dahkan. Sihkarvuodabálvalus galgá hehttet sávakeahes hackeriid ja diekkáriid beassamis dieđuide, ja leat maid rávvagat man johtilit bargiid mašiinnat galget giddanit jus guoddá kántuvrra oanehit áigái.
- Databasa lea dušše serveris, nu ahte sáhttá dan ortnegisoallat ja bearráigeahčcat rievademiid ja datakvalitehta. Serverlatnja lea álo láas ja sihkarastojuvvon, ja lea "buollinmuvara" rabas neahta vuostá olggobalde etáhta.
- Eanandoallodepartemeanta, man vuollái Boazodoallohálddahus gullá, sádde jahkásačcat instruksaid ja čuovvolemiid ahte movt hálddahus galgá datashkarvuoda giedahallat. Ja sii geavahit dakkár beassanrutiinnaid go Altinn ja eID geavahit.
- Boazodoallohálddahusas leat guhtta guovllukántuvrra iešguđet guovllus riikkas mat beaivválačcat loggejtit guovddás datavuogádhakii. Boazodoallohálddahus láiguha linnjáid ISP-skáhppojeaddjis ja geavaha sihkaris VPN oktavuodaid guovllukántuvrraid ja váldochálddahusa gaskka. Geavahit sihke fibera ja SHDSL/ADSL.
- Teknihkalačcat gal sáhttet guovllukántuvrrat sirdit persuvdnadovdodieduid PC:aide guovllukántuvrrain, ja doaivumis lea eaktun ahte dat leat sihkarastojuvvon nu ahte vaikko gii ii beasa daid oaidnit. Lea instruksa mii dadjá ahte ii oktage oaččo vurket hearkkes dieđuid ovdamearkkadihte giehtadihtiidda, ja dušše dat lea juo hástalus, danin go eatnasat geavahit daid ja olbmuin soaitá leat dárbu bargat ruovttus.

Dál ii gávdno dieđuid "čoahkkáigiessan" (krypteren) vejolašvuohta bargiid giehtadihtiirin, dušše geavaheaddjinamma ja beassansátni. Dán áigge lea oalle álki odđa operatiivsystemain ráhkadir giehtadihtiirid nu ahte dain sáhttá krypteret dieđuid, nu ahte garradiskka dieđuid ii sáhte lohkat jus ii leat rievttes geavaheaddjenamma ja beassansátni (vejolačcat maid kodat/kodabrihkat, suorbmasajidlokan jna.), vaikko dihorat suoláuvvojit ge. Boazodoallohálddahusa riskaanalysa čájeha ahte lea hui unnán riska dan ektui man ávki das lea, go bálddastahtá man dási hearkkes dieđuid Boazodoallohálddahusa databasain, ja vejolačcat maid Sámedikkis (min kommentára), giedahallet. Dieđuid sáhttá mudui maid amasindahkat, ja nu sáhttá suodjalit daid buot hearkkimus dieđuid, ovdal go daid sirdá giehtadihtiir ja bargagoahtá daiguin, ja dat sáhttá leat doarvái hui ollu ulbmiliidda, nugo statistihkaid ráhkadeapmái, analysaide ja nu ain. Go ovdamearkkadihte sáddejtit boazodoalu birra dieđuid Statistihkaláš guovddásbyråii statistihkaid ráhkadeapmái, de váldet eret persuvdnanummara, muhto diktet sohkabeali dieđu, riegáandáhtonaa jna. leahket (amasindahkan)

- Boazoeaiggáidiid ja njuovahagaid diehtoraporterema oktavuodas, ja ovttasbargguin eará almmolaš ásahusaiguin ja sullasaččaiguin (ovdamearkkadihte Biebmobearráigeahču), lea Boazodoallohálddahusas "web-service", gosa ráddjejuvvon datadoaimmat sáhttet beassat dahje sáhttet rapporteret dieđuid maid hálddahus geavaha iežas áššemeannudeamis, doarjjarehkenastimiin jna. Boazodoallohálddahus oažžu dál veiarrodieduid njuolga

Vearroetáhtas golggotmánu loahpas juohke jagi, gos iešdiedáhus, ealáhusskovvi ja lassikovit fievrreduvvoyit njurolga Boazodoalloháldahusa databasaide, ja dasto sáhttá rehkenastimiin ja rapporttaiguin bargat eanet automáhtalačcat. Dat sulastahttet daid reporterendárbbuide mat Sámedikkis leat duodjefitnodagaid ekonomalaš ovdáneami hárrái, maid Sámediggi dárbbaša duodjefitnodagain mat leat ožzon doaibmadoarjaga.

- Dataprográmmat ja databiergasat: Teknihkalaš rusttegat leat oalle muddui standárda mašingálvvut/serverat. Dat mii lea eanemus máksán, lea databaseprográmmagálvu mii lea ráhkaduvvon earenoamážit Boazodoalloháldahusa dárbbuide. Leat moduliseren dataid ja sis lea ovdamarkkadihte okta boazodoallodatabase, okta ášsemeannudanbálvalus jna. Ovddidanbargguin leat programmeren geavaheddjiid rádjemeari ja gávpelogihka – mii mearkkaša ahte lea meannudannjuolggadus dasa movt galgá lástet dieđuid ja makkár dieđuid galgá viežzat. Sii leat geavahan Microsoft SQL-server databaseprográmma ja programmeren dan MS Visual studio prográmmagillii (C#). Leat árvvoštallan ahte Boazodoalloháldahusa databasehoidu, dat rámmahoidu mii giedahallá dataid, lea máksán sullii 2 mill. kr ovddidit ja installeret. Muhto sii sestet ollu áiggi ášsemeannudemiin ja reporterenbargguin. Dát gal lea almmatge oalle stuora ja viiddis sistema go bálddastahttá dan ollu unnit ja álkit systemain mii Sámedikki duodjeregistarir lea. Muhto jus smiehttá ahte lea dárbu dakkár databasesystemii mii sáhttá hálldašit buot Sámedikki ealáhusaide gullevaš váikkuhangaskaomiid ja doarjagiid, de soaitá liikká sáhttít bálddastahttit ná stuora systemain.

- Bargit, resursageavaheapmi: Iešalddis databasesistema ovddideami ja installerema barggai olggobealde dihtorfitnodat haddefálaldaga vuodul. Boazodoalloháldahusa bargun šattai čilget ja spesifiseret makkár gáibádusat sis leat ja čuovvut ahte skáhppojeaddji skáhppui dan maid ledje dingon. Databasesistema jodiheapmi lea oalle hálbi, muhto lassin boahtá dat bargu maid hálldahus ieš ferte bargat dataid sisabidjamiin, ja dat rievddada oalle ollu etáhtas etáhtii, man ollu data gudege etáhtas lea. Hálldahusa databidjan dáhpáhuvvá dal hui njuovžilit, earet eará danin go muhtun geavaheadjeavkuide lea addon beassanlohipi muhtun osiide datasystemas, ja nu sii ieža bidjet dohko oalle ollu dieđuid elektrovnnalačcat interneahta bokte. Leat Boazodoalloháldahusa iežas guokte databargi geaid ovddsavstådus lea bearráigeahčcat ahte sistema doaibmá, muhto dieđuid geavaheapmi, ja dieđuid bidjan maid guhege ieš bargá, dakkó ášsemeannudeddjiid dásis ja dan barget maid eará fágabargit etáhtas. Dat leat dakkár dieđut maid ášsemeannudeaddjit ankké dárbbašit, muhto mat dál biddojuvvoyerit datai ja geavahuvvoyerit miha buorebut ávkin ja dain lea miha buoret kvalitehta.

Oanehačcat Sámedikki dihtorsistema birra go guoská dieđuid vurkkodeapmái ja beassanbearráigeahčcamii

Ráddjen dihtii barggu, de eat leat mii ráhkadan makkárge dárkilis čilgehusa das makkár Sámedikki iežas dihtorsistema lea. Eai ge mis leat leamaš doarvái dieđut ge dan birra. Vai mis lea juogalágán bálddastahttinvuoddu, de leat mii válljen čohkket dieđuid ja vásáhusaid mat muallit juoidá daid gáibádusaid birra maid Databearráigeahču bidjá dihtorsistemaide mat galget halddašit iešguđetlágán persuvdnadieđuid, ja maiddái dan movt muhtun eará etáhtta/Boazodoalloháldahus lea ovddidan dohkálaš ja heivvolaš dihtorsistema mainna hálldaša boazodoalloealáhusa.

Sámedikki dihtorsistema vuolggabáiki lea ahte dat galgá bálvalit organisašuvnna mas lea Sámedikki váldocháldahus Kárášjogas ja čieža báikkálaš kántuvrra iešguđetguovllus riikkas. Hálldahusas leat njeallje fágaossodaga: 1) Vuogatvuohta-, ealáhus- ja

birasossodat, 2) Oahpahus-, giella-ja kulturossodat, 3) Hálldahusossodat ja 4) Gulahallanossodat.

Buot Sámedikki bargit loggejít terminálaserverii iežas geavaheaddjenamain ja beassansániin. Juohke geavaheaddji beassá dan geavahanbáikái serveris mii lea sutnje definerejuvvon, iežas namain ja beassansániin. Eanas oassi bargiin geavahit giehtadihtoriid. Giehtadihtoriid geavaheaddjefillat synkroniserejuvvojít servera geavaheaddjefillaiguin, nu ahte geavaheaddjis lea vejolašvuhta beassat daid fillaide vaikko ii leat ge serverii čadnon, ovdamearkkadihte mátkkiin. Giehtadihtoriid dieđut eai leat “čoahkkáigissojuvvon”(krypterejuvvon), ja dat ráddje makkár dieđuid sáhttá vurkkodit dain mašiinnain. Siskkáldas neahhta lea sihkkarastejuvvon buollimuvrrain olgguldas neahhta vuostá. Loggen bargiid ruovttukántuvrrain dahkko sihkkaris VPN laktimiin ovdalgo logge terminálaserverii. Báikkálaš kántuvrrat loggejít Sámedikki váldodihtorsystemii interneahta bokte geavaheaddjenamain ja beassansániin. Sámediggi geavaha guovddáš áššemeannunsystema mii vurkkoduvvo servera databasas. Mii eat leat lihkostuvvan oažžut čielgasii makkár mállet sihkarvuodalaktima báikkálaš kántuvrrat geavahit go galget laktašuvvat Sámedikki guovddáš serveriidda. Eat ge mii dieđe dan ge man muddui sis leat earenoamás sihkkaris sonat siskkáldas fierpmádagas, gos earet eará vurkkodit hearkkes dieđuid, dahje leat go sis earalágán alladássái sirrejuvvon sihkarvuodaortnegat.

4.5.3 Eará áššáiboada – duojárat lea ealáhusbargit geat jođihit smávva fitnodagaid

Maŋnel go prošeaktabargu lei loahpahuvvon, de mii válddiimet sihkarvuoda dihte oktavuoda Databearráigeahčuin (16.4.2010) fas, dán vuoru sin juridikhalaš ossodagain, sihkkarastit iežamet dieđuid ja oažžut vel eanet čielgasa áššái. Vástádusat maid ovdal leimmet ožžon, ledje oalle muddui seamma sullasaš vástádusat go dat maid Sámediggi lei ožžon vástádussan muhtun jagiid dás ovdal go ledje leamaš oktavuodas Databearráigeahčuin. Okta ”iskan”gažaldagain maid mii dán vuoru hálideimmet jearrat lei manne dieđut mat gusket duodjeealáhusa doaibmadoarjagii definerejuvvojít hearkkes diehtun ja leat čuldojuvvon eret almmolašvuodas, go juo Sámedikki jienastuslohu, mas maid leat dušše sápmelaččat, biddjojuvvo almmolaš geahčadeapmái suohkaniin? Dasa mii eat ožžon makkárge čielga vástádusa.

Go čilgiimet doaibmadoarjaaortnega ja geat duodjeregistarais leat lahttun, čilgii Databearráigeahču maŋnemus áššedovdi midjiide odđa vuogi movt áššái lahkonit, dat lei midjiide odas go bálddastahttá ovdalaš vástádusaiguin maid etáhtas leat ožžon: ”*Danin go sii geat ohcet doaibmadoarjaga duodjái ohcet dan Ovttaolbmofitnodaga namas, ja sii leat earet eará registrerejuvvon Brønnøysund-registariidda, leat sii ealáhusjođiheaddjit. Ja ealáhusjođiheaddjit leat definerejuvvon olggobeallái persuvdnadiehtolága*”. Dat ahte sii leat fitnodagat, boahtá gal maid juo ovdan das go sii fievrredit ealáhusdieđáhusa, čilgii min informánta. Dát mearkkaša ahte ohcamušat duodjeregistarrii ja duojáriid doaibmadoarjaaohcamušat sahttet meannuduvvot seammaláđje go eará áššit Sámedikkis gos sii addet doarjaga ealáhusdoaimmaide. Dat guoská sihke fitnodagaid ja persuvnnalaš ealáhusjođiheddjiid doarjagiidda, ležžet dal sápmelaččat dahje earát geat dáid fitnodagaid oamastit. Dat mearkkaša dan ahte (doarjja) áššit mat gusket duodjeregistarara duojáriidda, eai dárbaš meannuduvvot hearkkes diehtun, danin go dan registara ovtaolbmofitnodagaid omasteaddjít leat sápmelaččat. Dušše persuvnnalaš dieđut ja fitnodatčiegusvuodat (odđa buktagat, odđa buvttadanvuogit dahje diekkár sullasaš dieđut)

sáhttet čuldojuvvot almmolašvuodas. Earet eará ii galgga persuvdnanummara bidjat nehtii dahje sáddet e-poasttain muđui go dat leat “čoahkkáigissojuvvon”.

Mannjemus oktavuohtaolbmos Databearráigeahčus orro oalle sihkkaris diedut ášši birra, vaikko mii čujuheimmet ahte mii leat ožžon earalágán vástádusaid ovdalaš oktavuođain Databearráigeahčus. Sáhttá leat nu ahte sii geaiquin mii ovdal leat hupman, eai leat oba fuobmán ge dan jurdilit ahte dás lea sáhka registrerejuvvon ealáhusjođihedđiin, sii leat jurddašan dušše priváhta olbmuid. Fertet sávvat ahte die lea sivvan dasa manne mii ovdal oačuimet earalágán vástádusaid, danin go dát mannjemus árvvoštallamat álkidahttet registara giedahallama. Dasgo dat mearkkašivčii dan ahte duodjeregistara sáhttet giedahallat seammaláđje go eará doarjjaáššiid maid Sámediggi juolluda ealáhusaid ovdánahttimii. Dán vuodul, ja persuvdnadiehtolága, almmolašvuodalága ja hálldašanlága mielde maid mii leat maid guorahallan, de orro mannjemus vástádus Databearráigeahču olbmás leamen jierpmáleamos jurddajohtu.

Dát ášši ii leat álki, danin go mii eat sáhte dasa buktit loahppáárvvoštallama, dan sivas go lea Databearráigeahču mii mearrida dákkár áššiin, ja mii eat dieđe maid sii vástidivčee formálalaš áššemeannudeamis, jus očoše čálalaš jearaldaga dahje ohcamuša Sámedikkis.

4.5.4 Vejolašvuohta beassat oaidnit dieđuid Sámedikki eará ealáhusdoarjagiid birra – láhkavuođdu ja movt lávejit bargat

Earet duodjedoarjaga man birra leat ovdalis čilgen, de lea Sámedikkis dat bargovuohki ahte bidjet Sámedikki neahttasiidduide dieđuid geaidda lea mearriduvvon juolludit ealáhusovddidoarjaga ja maiddái geaidda dat lea biehtaluvvon (Sámediggi njukčamánnu/cuonománnu 2010). Dát guoská áššiide mat gullet doarjjastivrii ja maid dat lea mearridan dahje maidda lea hálldahussii addán mearridanfápmudusa. Áššebáhpírat ja ákkastallan man vuodul mearrádus dakhko, ii almmuhuvvo dieppe. Bealálaččat geaidda ášši guoská ožžot ákkastallamiid maid vuodul mearrádus lea dahkon, ja sii sáhttet oažžut “sillejuvvon” oasi áššeovddideamis. Earát sáhttet bividit oažžut áššebáhpíriid, muhto de árvvoštallojuvvvo earenoamážit ahte galgá go addit visot áššebáhpíriid vai dušše muhtun oasi. Go árvvoštallet galget go eará áššediedut go iešalddis mearrádus almmuhuvvot eará olbmuide, de deattuhit earenoamážit fitnodatčiegusvuodaide ja persuvdnadieduid suodjaleami. Ovdal go dieđut almmuhuvvojat Sámedikki ruovttusiidui, de árvvoštallojuvvvojat dat vuos njealji dásis. Álggos árvvoštallá Sámedikki arkiiva dan, dasto manná ášši guoskivaš jođihangoddái, áššemeannudeaddjái ja fas ruovttoluotta arkiivii mii bearráigeahčá ahte rievttes dieđut almmuhuvvojat.

Almmolašvuodaláhka ja Hálldašanláhka guoská Sámedikki doaimmaide. Almmolašvuodalága § 3 namuha ahte váldonjuolggadusa lea dat ahte buohkain lea riekti beassat oaidnit buot dokumeanttaid sisdoalu maid Sámediggi oažžu, gárvista ja sádde. Dokumeanttaid maid sisdoalu suodjalit almmolašvuodalága jaskavuođamearrádusat, dahje maidda gusket almmolašvuodalága spiekastannjuolggadusat, eai leat gávdnamis neahtas. Almmolašvuodalága §13 ja Hálldašanlága §13 mielde gustojat dat vuosttažettiin olbmo persuvnnalaš dieđuide dahje fitnodatčiegusvuodaide. Dieđut riegádanbáikki ja riegádanbáikki birra, persuvdnanummar, siviladilli, ámmát, ássanbáiki ja bargobáiki eai leat persuvnnalaš dieđut. Liikká ii galgga neahtas almmuhit olbmo riegádanummar/riegádanbáikki ja bállká (§ 7 almmolašvuodalága láhkaásahusas). Almmolašvuodaláhka čujuha maid ahte lea vejolaš vel eanet almmuhit ja bividá hálldahusa árvvoštallat ahte galgá dokumeantta, oalát dahje muhtun muddui, almmuhit sidjiide geat hálidit dan oaidnit, vaikko dat álgoálggus lea ge merkejuvvon ii almmolaš

dokumeantán hálddašanorgáanas. Daid dieđuid vuodul mat mis leat, de orro Sámedikki bargovuohki mii guoská almmolašvuhtii doarjaáššiin, nugo ovddit gurgadagas čilgiimet, čadahuvvomen dohkálačcat lágaid mielde.

Innovasjon Norge bargá muhtun muddui seammalágán áššiiguin, earet eará dan oktavuodas go juolludit doarjagiid fitnodagaide ja ealáhusjođiheddjiide. Innovasjon Norge bargá maid muhtun áššiiguin mat leat čuldojuvvon almmolašvuodalágas, ja positiiva mearrádusaid juolludanáššiin sii bidjet etáhta ruovttusiidduide.

4.5.5 Čoahkkáigeassu ja loahppáárvvoštallan

4.5 kapihtala čilgehusat mat gusket gáibádusaide ja makkár konkrehta dilálašvuodat gáibiduvvojit go galgá vurkkodit ja giedahallat persuvdnadieđuid oppalačcat, ja earenoamážit hearkkes persuvdnadieđuid, addet oalle čielga vuodu man alde sáhttá mearridit dárbašlaš doaibmabijuid maid Sámedikki dihtorhálddašeamsis vedjet dárbašit duodjeregistara giedahallamii – jus Persuvdnadiehtoláhka boahtá guoskát duojáriidda. Nugo oaidná, de lea biddjojuvvon ovddasvástádus maiddái dieđuidhálddašeaddji eiseváldái, dán oktavuodas Sámediggái, árvvoštallat mii lea doarvái/ dohkálaš dahku vai doaibma sáhttá jodihuvvot daid áigumušaid mielde mat leat Persuvdnadiehtolágas ja dan láhkaásahusain. Dás ferte veardádallat makkár várra lea jus dieđut mannet dohko gosa eai galgga, ja man ávki/man divrras lea dan hehttet ja makkár váikkahuhsat sáhttet leat. Dat maid dihtorovddasvástideaddjít fertejtí árvvoštallat, lea ahte leat go dat eavttut ja árvaluvvon čovdosat mat dás leat čilgejuvvon daid standárddaid ja bargovugiid siskkobealde mat doaimmas juo leat, vai leat go dakkár válevuođat mat gáibidit unnit dahje eanet doaibmabijuid. Dat gáibida maid miha eanet dárkilit dieđuid etáhta iežas dihtorsystemaid ja bargodábiid birra go dat mat mis leat, muhto mat Sámedikki iežas dihtorháldahusas leat.

Okta ášši mii sáhttá buktit eahpádusa dan hárrái ahte man dárbu lea duodjeregistara meannudit hearkkes persuvdnadiehtoregistarín, lea dat ahte das lea muhtun earenoamáš oktavuodain spiekastanmunni sápmelašvuoda gáibádusas. Beroškeahttá das man ollu spiekasteamit addojuvvojit áiggi mielde duodjeregistara gáibádusain, de dan ii soaitte ge šat dárbašit navdit "buhtis sámi registarín". Dasa lassin addet lábat ja bagadusat vejolašvuoda geavahit iežas árvvoštallama vuodđun. Jus hearkkes dieđut leat dan lágán dieđut mat gáibidit garraseamos suodjaleami, vrd. min čilgehusain gos geahčadit Boazodoallohálddahusa čovdosiid, ja movt sáhttá hearkkimus dieđuid giedahallat, namalassii logget guovtti/eanet sonaid bokte, mii lea Databearráigeahču mielas okta vejolaš suddjenvuohki. Ii álo gávdno áibbas čielga vástádus, vaikko jearrá ge Databearráigeahčus, ja iešguđetlágán etáhtat leat váljet guhtetlágán čovdosiid seamma mállet hástalusaide.

4.5.3 kapihtalis mii muitaleimmet ahte leat ožžon eará fágalaš árvvoštallama Databearráigeahčus, mii mielddusbuktá dan ahte duodjeregistara duojáriidda ii guoskka Persuvdnadiehtoláhka, danin go sii leat ealáhusjođiheaddjít. Dat mearkkašivččii ahte duodjeregistara sáhttá meannudit juste seammaládje go eará áššiid Sámedikkis gos juolludit doarjaga ealáhusaid ovddideapmái. Dán vuodul, ja persuvdnadiehtolága, Almmolašvuodalága ja Hálldašanlága mielde maid mii leat maid guorahallan, de orro mannjemus vástádus Databearráigeahču olbmás leamen jierpmáleamos jurddajohtu. Ja go Sámediggi ii sáhte eallit dakkár eahpesihkkaris dilis, ahte ii dieđe movt áššit mat gusket duojáriidda ja duodjeregistarii galget meannuduvvot, de lea áidna čoavddus dasa ahte Sámediggi ovddida ášši čálalačcat Databearráigeahčui, de sii ožžot doppe čálalačcat vástádusa dasa ahte dárbašit go sii ohcat konsešuvnna giedahallat hearkkes dieđuid Persuvdnadiehtolága ektui. Jus Sámediggi ferte ohcat konsešuvnna, de ferte ohcamušas

čilget makkár dihtorsystemaid jna geavaha, de västida Databearráigeahču ahte lea go dat dohkálaš dahje vejolaččat mii dat lea mii ii leat dohkálaš. Maŋŋemus ságastallama mielde mii mis lei Databearráigeahču olbmuin, de orro leamen nu ahte leat vissis vejolašvuodat oažžut buoret västädusa go dat diedut maid mii álgos oaččuimet. Lea dehálaš deattuhit dan ahte doarjjavostáiáváldit leat ealáhusjoðiheaddjít/fitnodagat (vaikko leat ge ovttaolbmofitnodagat), eai ge persuvnnalaš ohccit.

Girjjálašvuohta

Duodjincéringens økonomiske situasjon (2007) – duodjeregistara duojáriid dieđuid
geahčadeapmi 2006. SEG (Samisk Nærings- og Utredningssenter), Trine Länsman
ja Anne Marit Pedersen, geassemánnu 2007.

Gaski, M. ja S. Eikeland (2001): *Næringskombinasjoner 1997-2000. Evaluering av
driftsstøten i samiske områder*. NIBR-raporta 2001:14. Áltá, čakčamánnu 2001.

Merkevareutvikling for duodjiprodusenter (2009), kapitlene 1, 4.1, 4.4 og 4.8., Noodt &
Reiding. Áltá/Guovdageaidnu/Storslett, geassemánu 9. beaivi 2009.

Nygaard, V. og S. Skålnes (2007): *Evaluering av tilskuddsordningen for Samisk
utviklingsfond*. Norut Alta – Áltá rapporta 2007:7. Áltá, juovlamánu 20. beaivvi
2007.

Utfordringer innen kompetanse, opplæring og utvikling i duodji (2008). Finnut Consult
AS, čielggadeapmi geassemánu 2008.

Veileddning i informasjonssikkerhet for kommuner og fylker (2005). Datatilsynet
26.1.2005, TV-202:2005

Økonomisk rapport for utviklingen i duodji for 2007. Asplan Viak. Kárášjohka, 20.8.2008

Eará girjjálašvuohta: geahča smávvanohtaid raporttas



Poastaboksá 1463
9506 Áltá
Fitnanadr. Kunnskapsparken, Markedsgata 3

Interneahhta: www.finnmark.norut.no
E-poasta: post@finnmark.norut.no
Telefovdna +47 78 45 71 00
Telefáksa +47 78 45 71 01
Fitnodatnummar NO 983 551 661 MVA

Norut Áltá lea Norut dutkankonsearna dutkaninstituhtta